

四庫全書

經部

欽定四庫全書

經部

儀禮鄭註句讀卷五

詳校官監察御史_臣查瑩

侍讀_臣孫球覆勘

總校官進士_臣繆琪

校對官中書_臣范鏊

謄錄監生_臣朱錫彤

欽定四庫全書

儀禮鄭註句讀卷四

濟陽張爾岐撰

鄉飲酒禮第四

鄭自每云諸侯之鄉大夫三年大比

飲酒於五禮屬嘉禮及戴此乃第十小戴及別錄此皆第四○疏曰凡鄉飲酒之禮其名有四案此賓賢

能謂之鄉飲酒一也父案鄉飲酒義云六十者坐五十者立侍是黨正飲酒亦謂之鄉飲酒二也鄉射州

長春秋習射於州序先行鄉飲酒亦謂之鄉飲酒三也案鄉飲酒義又有鄉大夫士飲國中賢者用鄉飲

酒四也疏言鄉飲有西北篇所載三年大比賓賢之禮也常以正月行之將射而飲下篇所列是也於春

秋行之黨正正齒位於季冬蜡祭
鄉大夫飲國中賢者則無常時

鄉飲酒之禮主人就先生而謀賓介

主人謂諸侯之鄉大夫也先生鄉中

致仕者賓介處士賢者周禮大司徒之職以鄉三物教萬民而賓興之一曰六德知仁聖義忠和二曰六行孝友睦婣任恤三曰六藝禮樂射御書數鄉大夫以正月之吉受灋于司徒退而頒之于其鄉吏使各以教其所治以考其德行察其道藝及三年大比而興賢者能者鄉老及鄉大夫帥其吏與其衆寡以禮禮賓之厥明獻賢能之書於王是禮乃三年正月而一行也諸侯之鄉大夫貢士於其君蓋如此云古者年七十而致仕老於鄉里大夫名曰父師士名曰少師而教學焉恒知鄉人之賢者是以大夫就而謀之賢者為賓其次為介又其次為衆賓而與之飲酒是亦將獻之以禮禮賓之也今郡國十月行此飲酒禮以黨正每歲邦索鬼神而祭祀

則以禮屬民而飲酒于序以正齒位之事焉凡鄉黨飲酒必於民聚之時欲其見化知尚賢尊長也孟子曰天下有達尊三爵也德也齒也案此飲酒禮有獻賓有樂賓有旅酬有無算爵樂凡四大段而禮成此下至當楣北面答拜則將飲酒之始事初謀賓戒賓次陳設次速賓迎賓拜賓凡三節疏云周禮所言是天子鄉大夫貢士法諸侯鄉大夫貢士法亦如之若據鄉貢一人其介與衆賓不貢但輔賓行禮待後年還以貢之耳大國三鄉次國二鄉小國一鄉鄉送一人至君所其君簡訖仍更行飲酒禮賓之於王○索色白

主人戒賓賓拜辱主人答拜乃請賓賓禮辭許主

人再拜賓答拜

戒警也告也拜辱出拜其自屈辱至己門也請告以其所為來之事不固辭者

素所有志○主人戒賓言主人往至賓門欲相警告非謂己戒之也至請賓方是發辭相戒耳一辭而許者德

業既成欲及時而試也
主人再拜拜其許已也

主人退賓拜辱

退猶去也去又拜辱者以送謝

之介亦如之

如戒賓也○如戒賓時拜辱請許諸儀也疏云衆賓必當遣人戒速但畧而不言

右謀賓戒賓

乃席賓主人介

席敷席也夙興往戒歸而敷席賓席牖前南面主人席阼階上西面介席西階

上東面○註言敷席面位可訂近日鄉飲隅坐之失

衆賓之席皆不屬焉

席衆賓於賓席

之西不屬者不相續也皆獨坐明其德各特○疏云雖不屬猶統賓為位同南面也

尊兩壺于房

戶間斯禁有玄酒在西設篚于禁南東肆加三勺于兩

壺斯禁禁切地無足者玄酒在西上也肆陳也○兩壺酒與玄酒各一也斯禁以承壺玄酒在酒之西設篚

貯爵在禁之南向東陳之其首在西壺各有勺以備挹
酌疏云士之挹禁大夫之斯禁名雖異其形同若天子
諸侯承尊之物設洗于阼階東南南北以堂深東西當
謂之豐上有舟

東榮水在洗東籬在洗西南肆

榮屋翼。南北以堂深
謂以堂廉北至屋辟之

遠近為洗去堂之遠近也疏云假令堂深二丈洗去堂
亦二丈以此為度是也堂上設籬此復設籬者上籬所
貯三爵每一爵行畢即
奠下籬且貯餘解也

右陳設

羹定

肉謂之羹定猶孰也。○疏云言
羹定者以與速賓時節為限

主人速賓賓拜辱

主人答拜還賓拜辱

速名也
還猶退

介亦如之

如速
賓也

賓及衆賓

皆從之

從猶隨也言及衆賓介亦在其中矣。主人速賓而還賓及衆賓後面隨至非同相隨也。

主人一相迎于門外再拜賓賓答拜拜介介答拜

相主

吏擯贊傳命者。主人於羣吏中立。一人以相禮與之迎賓於庠門外。

揖衆賓

差益卑也。拜介揖衆

賓皆西南面。疏云賓介衆賓在門外位以北為主。人與賓正東西相當則介與衆賓差在南東面主人正

西南拜賓則側身向西。西南拜介揖衆賓矣。

主人揖先入

揖揖賓也。先入門而西面。主人導賓先

入至內雷。賓厭介入門左。介厭衆賓入衆賓皆入門左。

北上

皆入門西東面賓之屬相厭變於主人也。推手曰揖。引手曰厭。今丈皆作揖。又曰衆賓皆入左無門

向。疏云引手曰厭者以手向身引之。厭一涉反。

主人與賓三揖至于階三讓

主人升賓升主人阼階上當楣北面再拜賓西階上當

楣北面答拜

三揖者將進揖當陳揖當碑揖楣前梁也復拜拜賓至此堂尊之。陳堂塗也東西

兩向堂之塗也主人與賓三揖至階介與衆賓亦相隨至西階下主人升賓乃升為賓之道進宜難也當楣拜也拜至

右速賓迎賓拜至

主人坐取爵于篚降洗

將厭賓也。此下至以爵降奠於篚言主人厭賓介衆賓之儀

凡六節

賓降

從主人也

主人坐奠爵于階前辭

重以己事煩賓也事同曰讓事

辭曰

賓對

對答也賓主之辭未聞

主人坐取爵興適洗南面坐奠

爵于篚下盥洗

已盥乃洗爵致潔敬也今文無奠。篚下當篚之下非於篚也盥洗者盥訖取

爵擬洗亦非謂遽已洗也下文因賓辭復置爵而對對已乃復取爵成洗賓進東北面辭洗

必進東行示情。賓降立當西序至主人擬洗爵乃進而東行東北向主人辭洗註云示情者示謙下主人之情

也主人坐奠爵于篚興對賓復位當西序東面言復位者明始

降時位在此主人坐取爵沃洗者西北面沃洗者主人之尊吏。古人盥洗並

用人執器灌沃下別有器卒洗主人壹揖壹讓升俱升古文承其棄水故有沃洗者

壹作賓拜洗主人坐奠爵遂拜降盥復盥為手垢汙。因事曰遂言遂拜

者主人坐奠爵因不起而遂拜也後賓降主人辭賓對凡言遂者皆因上事。分步困反

復位當西序卒盥揖讓升賓西階上疑立

疑讀為伋然從於趙盾之

伋疑正立自定之貌。盾徒本反。

主人坐取爵實之賓之席前西北面

獻賓

獻進也。進酒於賓。主人取爵實酒獻賓。必西北面者。賓在西階欲其就席受爵故西北向之也。

賓西階上拜主人少退

少退少避

賓進受爵以復位主人阼

階上拜送爵賓少退

復位復西階上位。賓進席前受爵復持此爵還西階上位。

薦

脯醢

薦進也。進之者主人有司。薦之席前。

賓升席自西方

升由下也。升必中席。疏

云案曲禮云席南鄉北鄉以西方為上今升席自西方云升由下者以賓統於主人以東方為上也乃設

折俎

牲體枝解節折在

主人阼階東疑立賓坐左執爵祭脯醢

坐坐於席祭脯
醢者以右手

奠爵于薦西興右手取肺卻左手執本

坐弗繚右絕末以祭尚左手齊之興加于俎

興起也肺離之本端

厚大者繚猶終也大夫以上威儀多終絕之尚左手者
明垂終之乃絕其末齊嘗也○少儀云取俎進俎不坐

是以取時奠爵興至加于俎又興也卻左手仰其左手
也案鄉射禮取矢于福卻手與覆手對弗繚者直絕末

以祭不必繚也繚祭以手從肺本循之至末乃絕之絕
祭不循其本但絕末而已大夫以上威儀多乃繚士則

否經文言弗繚以賓固士也他事皆從士禮
註疏獨於此處解作繚祭不敢從○繚音了坐執手遂

祭酒

執拭也古文稅作說○坐以悅拭手遂執爵祭酒○稅始銳反

興席末坐啐酒

啐亦嘗也○席末謂席之尾祭薦祭
酒齊肺皆於席中唯啐酒於席末

降席坐奠爵拜告

右執爵興主人阼階上答拜

降席席西也旨美也

賓西階上北面

坐卒爵興坐奠爵遂拜執爵興主人阼階上答拜

卒盡也於

此盡酒者明此席非專為飲酒起

右主人獻賓

賓降洗

將酢主人

主人降

亦從賓也降降立阼階東西面

賓坐奠爵興辭

西階

前也。疏云鄉射云賓西階前東面坐奠爵興辭降此亦然

主人對賓坐取爵適洗

南北面

洗。擬

主人阼階東南面辭洗賓坐奠爵于篚興

對主人復阼階東西面

前獻賓主人既盥而後辭洗此則賓未盥而已辭洗故主人

奠爵初在簋下繼乃於篚以初未聞賓命也賓奠爵即於篚以已聞主命也 賓東北面盥坐

取爵卒洗揖讓如初升

○如獻賓時一揖一讓

主人拜洗賓答拜

興降盥如主人禮

○如其從降辭對

賓實爵主人之席前東南

面酢主人

○主人在阼階賓自主席前向之故東南面

主人阼階上拜賓少

退主人進受爵復位賓西階上拜送爵薦脯醢

○亦主

主人升席自北方設折俎祭如賓禮

祭者祭薦俎及酒亦齊

不告

旨

酒己物也

自席前適阼階上北面坐卒爵興坐奠爵遂拜

執爵興賓西階上答拜

自席前者啐酒席末因從北方降由便也○案曲禮席東鄉西

鄉以南方為上南鄉北鄉以西方為上凡升席由下降
席由上今主人當降自南方以卒酒於席末遂因從席
北頭降由席前以主人坐奠爵于序端阼階上北面再
適阼階是由便也

拜崇酒賓西階上答拜

東西牆謂之序崇充也言酒惡相充實○疏云奠爵于序端者

擬後酬賓訖取此爵以獻介也李之藻云崇重也謝賓崇重己酒不嫌其惡也

右賓酢主人

主人坐取觶于簠降洗賓降主人辭降賓不辭洗立當

西序東面

不辭洗者以其將自飲○酬酒先自飲乃酬賓故註云將自飲獻用爵酬用觶一升曰爵

三升卒洗揖讓升賓西階上疑立主人實觶酬賓阼階

上北面坐奠觶遂拜執觶興賓西階上答拜

酬勸酒也
酬之言周

忠信為周。先自飲所以勸賓也。拜賓者通其勸意也。答拜者答其勸己也。

坐祭遂飲卒觶

興坐奠觶遂拜執觶興賓西階上答拜

主人降尊飲訖

洗賓降辭如獻禮升不拜洗

不拜洗殺於獻。主人為賓洗爵故賓降辭如獻時

但升堂賓西階上立主人實觶賓之席前北面賓西階

上拜主人少退卒拜進坐奠觶于薦西

賓已拜主人奠其觶。奠觶西

欲賓舉此觶也

賓辭坐取觶復位主人阼階上拜送賓北面坐

奠觶于薦東復位

酬酒不舉君子不盡人之微不竭人之忠以全交也。賓辭疏以為辭主

人復親酌已愚以主人方酌時不辭殆非辭酌也仍是辭其親莫如鄉射二人舉觴時耳

右主人酬賓

主人揖降賓降立于階西當序東面

主人將與介為禮賓譙不敢居堂上

○揖降者主人揖賓而自降賓亦降辟階西俟其與介為禮也主人以介揖讓升拜如

賓禮主人坐取爵于東序端降洗介降主人辭降介辭

洗如賓禮升不拜洗

介禮殺也。○主人與賓三揖至階之時介與衆賓亦相隨至階下今

此云以介揖讓升唯有升堂揖讓耳無庭中三揖矣拜如賓禮謂亦拜至如賓也

介西階上立

不言疑者省文

主人實爵介之席前西南面獻介

○介席東面介立西階上

在席南故主人西南面向之

介西階上北面拜主人少退介進北面

受爵復位主人介右北面拜送爵介少退

主人拜于介右降尊以就

界也今丈無北面

主人立于西階東

在介右而又稍東以設薦之時介方升祭主人無

事故立於此

薦脯醢介升席自北方設折俎祭如賓禮不齊

肺不啐酒不告旨自南方降席北面坐卒爵興坐奠爵

遂拜執爵興主人介右答拜

不齊啐下賓。北面坐西階上北面坐也

右主人獻介

介降洗主人復阼階降辭如初

如賓酢之時。降辭如初者介辭主人從己降

主人辭介為己洗
一如賓酢時也

卒洗主人盥

盥者當為介酌。疏云主人自飲而盥者尊介

也介揖讓升授主人爵于兩楹之間

就尊南授之介不自酌下賓酒者賓

主共之

揖讓升一揖一讓升也介但授虛

介西階上

立主人實爵酢于西階上介右坐奠爵遂拜執爵興介

答拜主人坐祭遂飲卒爵興坐奠爵遂拜執爵興介答

拜主人坐奠爵于西楹南介右再拜崇酒介答拜

奠爵西楹

南以爵獻眾賓

右介酢主人

主人復阼階揖降介降立于賓南

○向來主人與介行禮西階上事訖故復

阼階揖降者將與衆賓為禮也

主人西南面三拜衆賓衆賓皆答壹拜

三拜一拜示徧不備禮也不升拜賤也。主人在阼階下衆賓在賓介之南故主人西南面拜之。註示徧解主

人三拜不備禮解衆賓答一拜不升拜賤也言主人不升衆賓於堂而拜之以其賤故略之與賓介升堂拜至也者異主人揖升坐取爵于西楹下降洗升實爵于西階

上獻衆賓衆賓之長升拜受者三人

長其老者言三人則衆賓多矣。主

人揖升主人自升也衆賓尚在堂下至主人于西階上獻爵衆賓始一一升受之耳經文自明疏以揖升為揖

衆賓升非也又記云衆賓之長一人辭洗如賓當亦從堂下東行辭之疏以為降辭亦未是

主人拜

送於衆坐祭立飲不拜既爵授主人爵降復位既卒也

拜立飲立授賤者禮簡。一人飲衆賓獻則不拜受爵

坐祭立飲次三人以下也不拜禮彌每一人獻則薦諸

其席謂三人也。席次賓介西前經衆賓辯有脯醢亦

獻薦於其位在下今文辯皆作偏。疏云堂下立侍不合有席既不言席知位在下。辯與適同主人

以爵降奠于篚不復用也

右主人獻衆賓自初獻賓至此為飲酒第一段

揖讓升賓獻介升介獻衆賓升衆賓序升即席序次也

今文厭皆為揖。此下言一人舉觶待樂賓後為旅酬之端也。揖讓升謂主人蒙上以爵降之文也。衆賓序升

謂三賓堂一人洗升舉觶于賓。發酒端曰舉實觶西

階上坐奠觶遂拜執觶興賓席末答拜坐祭遂飲卒觶

興坐奠觶遂拜執觶興賓答拜降洗升實觶立于西階

上賓拜。賓拜將受觶。疏曰云賓席末答拜者謂於席西南面非謂席上近西謂末以其無席上拜

禮也已下進坐奠觶于薦西賓辭坐受以興。舉觶不授賓拜皆然下主人也

言坐受者明行事相接若親受讌也。案主人酬賓亦奠觶而不親授似酬法當然註以為下主人恐宜再議

舉觶者西階上拜送賓坐奠觶于其所。所薦西也。作樂後立司正賓

取此解以酬主人以舉解者降事
其將舉故奠之於右

右一人舉解

設席於堂廉東上

為工布席也側邊曰廉燕禮曰席工於西階上少東樂正先升北面此言

樂正先升立于西階東則工席在階東。此下作樂樂賓有歌有笙有間有合凡四節疏云註引燕禮欲證工席在西階東據樂正於西階東而立在西則知工席更在階東此言近堂廉亦在階東彼云階東亦近堂廉也工四人二瑟瑟先相者二人皆左何瑟後首擗越內

弦右手相瑟四人大夫制也二瑟二人鼓瑟則二人歌也者為之每工一人鄉射禮曰弟子相工如初入天子相工使視瞭者凡工瞽矇也故有扶之者師冕見及階子

曰階也及席子曰席也固相師之道後首者變于君也
持也相瑟者則為之持瑟其相歌者徒相也越瑟下
孔也內弦側擔之者○燕禮小臣左何瑟面鼓謂可鼓
者在於前此後首不面鼓是變於君也瑟底有孔以指深
入謂之持內弦弦向內也○何戶樂正先升立于西階
可反持口孤反瞭音了擔丁甘反

東也長工入升自西階北面坐相者東面坐遂授瑟乃

降

降立于西
方近其事

工歌鹿鳴四牡皇皇者華

三者皆小雅篇
也鹿鳴君與臣

下及四方之賓燕講道修政之樂歌也此采其已有旨
酒以召嘉賓嘉賓既來示我以善道又樂嘉賓有孔昭
之明德可則倣也四牡君勞使臣之來樂歌也此采其
勤苦王事念將父母懷歸傷悲忠孝之至以勞賓也皇
皇者華君遣使臣之樂歌也此采其更是勞苦

卒歌主

自以為不及欲諮謀于賢知而以自光明也

人獻工工左瑟一人拜不興受爵主人阼階上拜送爵

一人工之長也凡工賤不為之洗。工左瑟者移瑟于左身在瑟右以便受爵也。薦脯醢使人

相祭使人相者相其祭酒祭薦工飲不拜既爵授主人爵坐授衆工

則不拜受爵祭飲辯有脯醢不祭祭飲獻酒重無不祭也今文辯為徧。祭

後飲也。大師則為之洗賓介降主人辭降工不辭洗夫

若君賜之樂謂之大師則為之洗尊之也。賓介降從主

人也工大師也上既言獻工矣乃言大師者大師或瑟

或歌也其獻之瑟則先歌則後。大師在瑟歌四人之

內通謂之工獻之亦依瑟先歌後之序但為之洗為不

右升歌三終及獻工

笙入堂下磬南北面立樂南陔白華華黍

笙吹笙者也
以笙吹此詩

以為樂也南陔白華華黍小雅篇也今亡其義未聞昔周之興也周公制禮作樂采時世之詩以為樂歌所以通情相風切也其有此篇明矣後世衰微幽厲尤甚禮樂之書稍稍廢棄孔子曰吾自衛反魯然後樂正雅頌各得其所謂當時在者而復重雜亂者也惡能存其亡者乎且正考父校商之名頌十二篇于周太師歸以祀其先王至孔子二百年之間五篇而已此其信也○磬縣南面其南當有擊磬者此笙入磬南北面在磬者之南北面也詩序云南陔孝子相戒以養也白華孝子之潔白也華黍時和歲豐宜黍稷也疏謂鄭君註禮時尚未見詩序故云其義未聞先儒又以為有其義亡其辭朱子則云笙詩有聲無辭古必有譜如魯鼓薛鼓之類

而今亡矣為得之。主人獻之于西階上。一人拜。盡階

不升堂。受爵。主人拜送爵。階前坐祭立飲。不拜。既爵升

授主人爵。

一人笙之長者也。笙三人。和一人。凡四人。鄉射禮曰。笙一人拜于下。一人拜。謂在地拜。

鄉射記云。三笙一和而成聲。爾雅云。笙小者謂之和。前獻歌工在阼階上。以工在西階東也。此獻笙在西階上。

以笙在衆笙則不拜。受爵坐祭立飲。辯有脯醢。不祭。亦階下也。

爵于西階上。薦之皆於其位。磬南。今文辯為偏。

右笙奏三終及獻笙

乃間歌。魚麗笙由庚。歌南有嘉魚。笙崇丘。歌南山有臺。

笙由儀

言間代也謂一歌則一吹六者皆小雅篇也魚麗言太平年豐物多也此采其物多酒旨所以優

賓也南有嘉魚言太平君子有酒樂與賢者共之也此采其能以禮下賢者賢者纍蔓而歸之與之燕樂也南山有臺言太平之治以賢者為本此采其愛友賢者為邦家之基民之父母既欲其身之壽考又欲其明德之長也由庚崇丘由儀今亡其義未聞○間者一歌畢一笙繼之也堂上歌魚麗方終堂下笙即吹由庚餘篇皆然詩序云由庚萬物得由其道也崇丘萬物得極其高大也由儀萬物之生各得其宜也○農力知反

右間歌三終

乃合樂周南關雎葛覃卷耳召南鵲巢采芣采蘋

謂合樂歌

樂與衆聲俱作周南召南國風篇也王后國君夫人房中之樂歌也關雎言后妃之德葛覃言后妃之職卷耳

言后妃之志鵲巢言國君夫人之德采芣言國君夫人不失職采蘋言卿大夫之妻能循其法度昔大王王季居于岐山之陽躬行召南之教以興王業及文王而行周南之教以受命大雅云刑于寡妻至于兄弟以御于家邦謂此也其始一國耳文王作邑于豐以故地為卿士之采地乃分為二國周周公所食召召公所食於時文王三分天下有其二德化被于南土是以其詩有仁賢之風者屬之召南焉有聖人之風者屬之周南焉夫婦之道生民之本王政之端此六篇者其教之原也故國君與其臣下及四方之賓燕用之合樂也鄉樂者風也小雅為諸侯之樂大雅頌為天子之樂鄉飲酒升歌小雅禮盛者可以進取也燕合鄉樂禮輕者可以逮下也春秋傳曰肆夏繁遏渠天子所以享元侯也文王大明縣兩君相見之樂也然則諸侯相與燕升歌大雅合小雅天子與次國小國之君燕亦如之與大國之君燕升歌頌合大雅其笙間之篇未聞○案此合樂即論語

所謂闕雖之亂者也。雖七徐反。單工告于樂正曰正。大南反。卷九轉反。召音邵。蘋毗人反。

歌備樂正告于賓乃降。樂正降者以正歌備無事也。降立西階東北面。疏云鄭知降

立西階東北面者以其在堂上時在西階之東北面。知降堂下亦然在筮磬之西亦得監堂下之樂故知位在此也。

右合樂及告樂備此作樂樂賓是飲酒禮第二段並上段鄭氏以為禮樂之正是也。

主人降席自南方。不由北方由便。此下言旅酬之儀立司正以監酒司正安賓表位於是。

賓酬主人主人酬介介酬側降。賓介不從。側特也。降衆賓衆賓以次皆徧焉。謂降階主人獨降而賓

介不從者禮殺故也作相為司正司正禮辭許諾主人拜司正答

拜作使也禮樂之正既成將留賓為有懈惰立司正以監之拜拜其許。相即前一相迎賓門外者至此復

使為司正也監古衙反主人升復席司正洗解升自西階阼階上

北面受命于主人主人曰請安于賓司正告于賓賓禮

辭許為賓欲去留之司正告于主人主人阼階上再拜

賓西階上答拜司正立于楹間以相拜皆揖復席再拜

許也司正既以賓許告主人遂立楹間以相拜賓主人既拜揖就席

右司正安賓

司正實觶降自西階階間北面坐奠觶退共少立階間北面

東西節也其南北當中庭共拱手也少立自正慎其位也已帥而正孰敢不正燕禮曰右還北面○右還北面謂降自西階至中庭時右還就位○共九勇反坐取觶不祭遂飲卒觶興坐奠

觶遂拜執觶興洗北面坐奠觶于其所退立于觶南洗

奠之示潔敬立于其南以察衆○疏云執觶興洗不云盥俗本有盥者誤今案唐石經有此字

右司正表位

賓北面坐取俎西之觶阼階上北面酬主人主人降席

立于賓東

初起旅酬也凡旅酬者少長以齒終於沃盥者皆弟長而無遺矣○俎西之觶謂作樂前

一人舉解奠于薦右者也。今為旅酬而舉之前主人酬賓奠于薦東之解不舉故言俎西以別之。主人降席不言自南自北下記云主人介凡升席自北方降席自南方指此丈也。註云終于沃盥言酬爵之無不徧實連無筭爵而言下記云主人之贊者西面北上不與無筭爵然後與其實旅酬時尚未及沃洗也。賓坐奠

解遂拜執解興主人答拜不祭立飲不拜卒解不洗賓

解東南面授主人

賓立飲卒解因更酌以鄉主人將授

主人阼階上拜賓

少退主人受解賓拜送于主人之西

旅酬同階禮殺。疏曰決上正酬時

不同階今同階故云禮殺也

賓揖復席

酬主人訖

右賓酬主人

主人西階上酬介介降席自南方立于主人之西如賓
酬主人之禮主人揖復席其酌實解西南面授介自此以下旅酬酌者亦如之。主
人以所受于賓之解往酬介亦先拜介自飲實解授介拜送於其東註自此以下旅酬酌者亦如之謂皆西南面授之也

右主人酬介

司正升相旅曰某子受酬受酬者降席

旅序也於是介酬衆賓衆賓又

以次序相酬某者衆賓姓也同姓則以伯仲別之又同則以其字別之。顧炎武云鄉射禮某酬某子註某子者氏云古人男子無稱姓者從鄉射禮註為得
如左傳叔孫穆子子言叔仲子子服子之類
司正退

立于序端東面

辟受酬者又便其贊上贊下也始升相西階西北面

命受酬者訖退立于西序端東面者一則案此下文衆受酬者受自左即是司正立處故須辟之

二則東面時贊上贊下便也

受酬者自介右

由介東也尊介使不失故位

衆受酬

者受自左

後將受酬者皆由西變於介也今文無衆酬也。衆賓首一人受介酬自介右受之第二

人以下受其前一人酬皆自其左受之也凡授受之法授由其右受由其左以尊介故受由右餘人自如常禮

也拜興飲皆如賓酬主人之禮

嫌賓以下異也

辯卒受者以解

降坐奠于篚

辯辯衆賓之在下者鄉射禮曰辯遂酬在下者皆升受酬于西階上。○辯辯衆賓之

在下者謂既酬堂上又及堂下無不偏也引鄉射禮證此與彼同

司正降復位

解南之位

右介酬衆賓衆賓旅酬此飲酒禮之第三段

使二人舉觶于賓介洗升實觶于西階上皆坐奠觶遂拜執觶興賓介席末答拜皆坐祭遂飲卒觶興坐奠觶

遂拜執觶興賓介席末答拜

二人亦主人之吏若有大夫則舉觶于賓與大夫燕

禮曰勝爵者立于洗南西面北上序進盥洗。此下言無算爵初使二人舉觶次徹俎次坐燕飲酒之終禮也

賓介席末答拜者賓於席西南面答介於席南東面

答也註引燕禮證此二人將舉觶其盥洗亦如之也

降洗升實觶皆立于西階上賓介皆拜

於席末拜。逆降者二人先後

之序與升時相反

皆進薦西奠之賓辭坐取觶以興介則薦南

奠之介坐受以興退皆拜送降賓介奠于其所賓言取介言受
尊卑異文今文曰賓受○疏曰言皆進者一人之賓所
奠解于薦西一人之介所奠解于薦南按此二人所舉
之解待升坐後賓介各舉以
酬為無筭爵者即此二解

右二人舉解

司正升自西階受命于主人主人曰請坐于賓賓辭以
俎至此盛禮俱成酒清肴乾賓主百拜強有力猶倦焉
張而不弛弛而不張非文武之道請坐者將以賓燕
也俎者肴之貴者辭之者不敢以禮殺當
貴者○前此皆立行禮至此乃請坐燕
主人請徹俎

賓許

亦司正傳請告之

司正降階前命弟子俟徹俎

西階前也弟子賓之

少者俎者主人之吏設之使司正升立于序端待賓降

弟子俟徹者明徹俎賓之義

席北面主人降席阼階上北面介降席西階上北面遵

者降席席東南面皆立相須徹俎也遵者謂此鄉之人仕至大夫者也今來助主人樂賓主

人所榮而遵灋者也因以為名或有無來不來用時事耳今文遵為俱或為全賓取俎還授司

正司正以降賓從之主人取俎還授弟子弟子以降自

西階主人降自阼階介取俎還授弟子弟子以降介從

之若有諸公大夫則使人受且如賓禮衆賓皆降

取俎者皆

鄉其席既授弟子皆降復初入之位。還音旋向席取俎轉身以授人註云復初入之位者東階西階相讓之

也位

右徹俎

說屨揖讓如初升坐

說屨者為安燕當坐也必說於下者屨賤不空居堂說屨主人先左

賓先右今文說為稅

乃羞

羞進也所進者狗載隨也鄉設骨體所以致敬也今進羞所以盡愛也敬之愛

之所以厚賢也○載壯吏反

無算爵

算數也賓主燕飲爵行無數醉而止也鄉射禮曰使二人舉觶

于賓與大夫又曰執觶者洗升實觶反奠於賓與大夫皆是○疏曰引鄉射禮者證此無算爵從首至末更從

上至下唯醉乃止

無算樂

燕樂亦無數或問或合盡歡而止也春秋襄二十九年吳公子札來聘請

觀于周樂此國君之無算

右坐燕此飲酒第四段飲禮始畢

賓出奏陔

陔陔夏也陔之言戒也終日燕飲酒罷以陔為節明無失禮也周禮鍾師以鍾鼓奏九夏

是奏陔夏則有鍾鼓矣鍾鼓者天子諸侯備用之大夫士鼓而已蓋建於阼階之西南鼓鄉射禮曰賓興樂正命奏陔賓降及階陔作賓出衆賓皆出主人送于門外再拜

門東西面拜也賓介不答

拜禮有終也

右賓出

賓若有遵者諸公大夫則既一人舉觶乃入

不干主人正禮也遵

者諸公大夫也謂之賓者同從外來耳大國有孤四命謂之公。此下言諸公大夫來助主人樂賓主人與為

禮之儀遵不必至故曰若有當一人舉觴畢瑟筮將入之時乃入註云不干主人正禮謂主人厭酢之禮也樂作後又後樂賓

席于賓東公三重大夫再重

席此二者於賓東尊

之不與鄉人齒也天子之國三命者不齒於諸侯之國爵為大夫則不齒矣不言尊者尊者亦卿大夫。云席于賓東者賓在戶牖之間酒尊在房戶間正在賓東不容置席則席尊者當又在其東但繼賓而言耳其實在酒尊東也不與鄉人齒者東賓之席繼賓而西是與相齒此特為位於酒尊東不在衆人行列中故云不與齒也。重公如大夫入主人降賓介降衆賓皆降復初位直龍反

主人迎揖讓升公升如賓禮辭一席使一人去之

如讀若今

之若主人迎之於門內也辭一席謙自同於大夫。公若大夫入言或公入或大夫入其降迎皆如下文所云

也如賓禮謂拜至獻爵酢
爵並如之也。○去起呂反
大夫則如介禮有諸公則辭

加席委于席端主人不徹無諸公則大夫辭加席主人

對不去加席

加席上席也大夫席再重。如介禮其入門升堂獻酢等皆如介之設於賓也

右尊者入之禮

明日賓服鄉服以拜賜

拜賜謝恩惠鄉服昨日與鄉大夫飲酒之朝服也不言朝服未

服以朝也今文曰賓服鄉服。此下至篇末言鄉飲明日拜謝勞息諸事

主人如賓服以拜

辱

拜賓復自屈辱也鄉射禮曰賓朝服以拜賜于門外主人不見如賓服遂從之拜辱於門外乃退。○引鄉

射禮者明此亦彼此賓主皆不相見造門外拜謝而已

主人釋服

釋朝服更服玄端也古文釋作

舍

乃息司正

息勞也勞賜昨日贊執事者獨云司正司正庭長也無介勞禮略也

不殺

市買若因所有可也殺則無俎。殺所八反薦脯醢羞同羞唯所有在

何徵唯所欲也

徵召以告于先生君子可也告請也先生

禮於是可以來君子國中有盛德者可者召不召唯所欲賓介不與禮漬則褻古文

預鄉樂唯欲鄉樂周南召南六篇之中唯所欲作不從次也不歌鹿鳴魚麗者辟國君也

記

鄉朝服而謀賓介皆使能不宿戒

鄉鄉人謂鄉大夫也朝服冠玄端縹帶素

韠白屨今郡國行鄉飲酒之禮玄冠而衣皮弁服與禮異再戒為宿戒禮將有事先戒而復宿戒。鄉謂鄉飲

金史卷四
酒之禮註指人恐義不盡謀即經文就先生而謀之也
宿戒之者恐其容有不能令得肄習今鄉飲賓介皆使
賢而能為禮者
故不煩宿戒也

記鄉服及解不宿戒

蒲筵緇布純

筵席也純緣也。純章允反又之門反。

尊綌冪賓至徹之

綌葛

也冪覆尊巾

其牲狗也

狗取擇人

亨于堂東北

祖陽氣之所始也陽氣主養易曰天

地養萬物聖人養賢以及萬民。亨普庚反。

獻用爵其他用觶

爵尊不褻用之。其他謂

旅酬及薦脯五挺橫祭于其上出自左房

挺猶臠也鄉射禮曰祭半臠臠

長尺有二寸在東陽也陽主養房饌陳處也冠禮之饌脯醢南上曲禮曰以脯脩置者左胸右末。薦脯用運

其挺五別有半挺橫於上以待祭脯本橫設人前橫祭者於脯為橫於人為縮陳之左房至薦時乃出之○挺大類反本亦作俎由東壁自西階升亨狗既孰載之俎挺同胸其于反饌於東方○及其設之由東壁適西階升賓俎脊脅肩肺主人俎脊脅臂設筵前不由阼階也

設之由東辟適西階升
設筵前不由阼階也

肺介俎脊脅肫肭肺肺皆離皆右體進腠

後脛骨二腓胫也尊者俎尊骨卑者俎卑骨祭統曰凡
為俎者以骨為上骨有貴賤凡前貴後賤離猶擗也腓
理也進理謂前其本也今文胫作胫○肱胫即註膊胫
後脛二骨也賓主俎各三體而介俎肱胫胫並言者以肩
臂之下留其貴者為大夫俎若有一大夫則大夫用肱
而介用肱若有二大夫則大夫用肱與肱而介用胫用
體無常故肱胫兩見也○胫音獮擗苦圭反音奎
定反肱乃報反又奴刀切音獮擗苦圭反音奎

記器具牲羞之屬

以爵拜者不徒作

作起也言拜既爵者不徒起起必酢主人。不拜既爵者則不酢也。

坐

卒爵者拜既爵立卒爵者不拜既爵

隆殺各從其宜不使相錯唯工不從

此禮。工無目故不使立卒爵雖坐卒爵不拜既爵與立卒爵者同也。

凡奠者於左

不飲者不

欲其妨。主人將舉於右。

便也。一人舉解為無算爵是也。酬賓之解是也。

衆賓之長一人辭洗如賓禮

於三人之中復差有尊者雖為之洗不敢辭

其下不洗。主人統為衆賓三長一洗一人進與為禮餘二人不敢往參非又為二人各一洗也。又按經文洗

升實爵後始言衆賓之長升拜受者三人此時三人尚未升堂其辭洗亦自階下東行辭之疏於前經以主人

揖升為揖衆賓升以立者東面北上若有北面者則東

上賢者衆寡無常也或統於堂或統於門○立者堂下

西北面東上樂正與立者皆薦以齒樂謂其飲之次也尊

言飲而言薦以明飲也既飲皆薦於其位樂正位西階

東北面○樂正本主人官屬故以齒於賓黨為尊之○

與音預凡舉爵三作而不徒爵謂獻賓獻大夫樂作大夫

不入後樂賢者○大夫本為助主獻工與笙取爵于上

篚既獻奠于下篚明其異器敬也如是則獻大夫亦然

夫一爵以異器示敬又其笙則獻諸西階上謂主人拜送

于阼階上者以其坐於磬階間縮雷北面鼓之縮從也雷以東

西階東也古文無上西為從鼓猶擊也大夫而特縣方賓鄉人之賢者從士禮也射則磬在東古文縮為蹙○周禮春官小胥掌正樂縣之位王宮縣諸侯軒縣卿大夫判縣士特縣凡縣鐘磬半為堵全為肆宮縣四面皆縣如宮有牆也軒縣去其南面判縣又去其北面特縣又去其西面特立一面而已鐘磬編縣之十六枚在一簋謂之堵鍾一堵磬一堵謂之肆諸侯之卿大夫半天子之卿大夫西縣鍾東縣磬士亦半天子之士縣磬而已此鄉飲酒本諸侯卿大夫合鍾磬俱有而直有磬者以方賓賢俯從士禮也○縮所六反雷力又反從子容反主人介

凡升席自北方降自南方席南上升由下降由上由便司正既舉解

而薦諸其位司正主人之屬也無凡旅不洗敬禮也不洗敬也

者不祭

不甚潔也

既旅士不入

後正禮也既旅則將燕

徹俎

俎

賓介尊者之俎受者以降遂出授從者

送之○從者從賓介尊者來者

也○從

才用反主人之俎以東

藏於東方

樂正命奏陔賓出至于階

陔作

○命命擊鼓者賓出至階其節也

若有諸公則大夫於主人之北

西面

其西面者北上統於公○疏曰若無諸公則大夫南面西上統於遵也

主人之贊者

西面北上不與

贊佐也謂主人之屬佐助主人禮事徹爵沃盥設薦俎者西面北上統於堂也

與及也○不及謂不

厭酒○與音預

無算爵然後與

燕乃得酒也

記禮樂儀節隆殺面位次序

儀禮鄭註句讀卷四

欽定四庫全書

儀禮鄭註句讀卷五

濟陽張爾岐撰

鄉射禮第五

鄭目錄云州長春秋以禮會民而射於州序之禮謂之鄉者州鄉之屬鄉大夫

或在焉不改其禮射禮於五禮屬嘉禮大戴十一小戴及別錄皆第五○據註此州長射禮而云鄉射者周禮五州為鄉一鄉管五州鄉大夫或宅居一州之內來臨此射禮又鄉大夫大比與賢能訖而以鄉射之禮五物詢衆庶亦行此禮故名鄉射禮也

鄉射之禮主人戒賓賓出迎再拜主人答再拜乃請主人

州長也鄉大夫若在焉則稱鄉大夫也戒猶警也語也
出迎出門也請告也告賓以射事不言拜辱此為習民
以禮樂不主為賓已也不謀賓者時不獻賢能事輕也
今郡國行此禮以季春周禮鄉老及鄉大夫三年正月
獻賢能之書於王退而以鄉射之禮五物詢衆庶諸侯
之鄉大夫既貢士於其君亦用此禮射而詢衆庶乎○
案此射禮先與賓飲酒如鄉飲酒之儀及立司正將旅
酬乃暫止不旅而射射已更旅酬坐燕並如鄉飲凡賓
至之前賓退之後其儀節並不殊也此下言將射戒賓
陳設速賓凡三節皆禮初事註云鄉大夫若在則稱鄉
大夫者謂鄉大夫來臨此禮則州長戒賓之時不自稱
而稱鄉大夫以戒之也賓以州中處士賢者為之若大
夫來為遵則易以公士五物詢衆庶周禮鄉大夫職丈
五物者一曰和六德之一也二曰容即六行之考也容
為孝者人有孝行則性行含容三曰主皮貫革也賓禮
四曰和容行禮有容儀也五曰興舞比於樂節也賓禮

辭許主人再拜賓答再拜主人退賓送再拜

退還射宮省錄射事

無介

雖先飲酒主於射也其序賓之禮畧

右戒賓

乃席賓南面東上

不言於戶牖之間者此射於序○鄉飲酒於庠庠有室故言於戶牖之間

此射於序序無室無戶牖可言約其席處亦當戶牖耳

衆賓之席繼而西

言繼者甫欲習

衆庶未有所殊別○鄉飲酒則衆賓之席不屬

席主人於阼階上西面

阼階東階尊

於賓席之東兩壺斯禁左玄酒皆加勺篚在其南東肆

斯禁禁切地無足者也設尊者北面西曰左尚之也肆陳也○兩壺酒與玄酒篚以貯爵觶尊南東向陳之首

在設洗於阼階東南南北以堂深東西當東榮水在洗

東籩在洗西南肆榮屋翼也。以貯解。深申鳩反縣於洗東北西

面此縣謂磬也。縣於東方辟射位也。但縣磬者半天子之士無鍾。鍾磬編縣之十六枚在一簣謂之堵鍾。

一堵磬一堵謂之肆。天子之卿大夫士半於天子之卿大夫士。特縣唯東一肆。諸侯之卿大夫士半於天子之卿大夫士。

特縣卿大夫判縣者分一肆於兩廂。東縣磬西縣鍾。士特縣分取磬而已。州長諸侯之士故但磬無鍾也。縣

音乃張侯下綱不及地武侯謂所射布也。綱持舌繩也。武迹也。中人之迹尺二寸。侯

象人綱即其足也是以取數焉。侯制中有躬有舌有綱有緇中其身也。方一丈倍中以為躬中之上下橫

接一幅各二丈謂之躬倍躬為左右舌用布四丈接於躬上左右各出一丈為舌下舌半上舌用布三丈接於

下左右各出五尺也其持舌之繩謂之綱維其綱於榦者又謂之綱上下各有綱下綱去地之節則尺二寸

不繫左下綱中掩束之

為事未至也。侯向堂為面以西

綱並綱與舌向東掩束之待司馬命張侯乃脫束繫綱也。中丁仲反

乏參侯道居侯黨

之一西五步

容謂之乏所以為獲者御矢也侯道五十步此乏去侯北十丈西三丈。乏狀類曲

屏以革為之唱獲者於此容身故謂之容矢力不及故謂之乏黨旁也三分侯道而居旁之一偏西者五步此設乏之節也侯道五十步六尺計三十丈乏居三之一西五步故云北十丈西三丈必於此者取可察中否

唱獲聲達堂上也

右陳設

羹定

肉謂之羹定猶熟也謂狗熟可食。定多倭反。

主人朝服乃速賓賓朝服

出迎再拜主人答再拜退賓送再拜

速召也射賓輕也戒時玄端今郡國

行此鄉射禮皮弁服與禮為異

賓及衆賓遂從之

右速賓

及門主人一相出迎于門外再拜賓答再拜

相主人家臣擯贊傳

命者。

此下言飲賓之事迎賓拜至主人獻賓賓酢主人主人酬賓主人獻衆賓一人舉觶為旅酬之端遵入

主人獻遵自酢工笙合樂樂賓主人獻工與笙乃立司正以安賓察衆凡十節皆與鄉飲酒禮同此為射而飲

其後即詳射事

揖衆賓

差卑禮宜異。同是鄉人無爵者唯據立為賓者尊故於衆賓

云差卑

主人以賓揖先入

以猶與也先入門右西面

賓厭衆衆賓

皆入門左東面北上賓少進

引手曰厭少進差在前也今文皆曰揖衆賓

主

人以賓三揖皆行及階三讓主人升一等賓升

三讓而主人先

升者是主人先讓於賓不俱升者賓客之道進宜難也。疏云言皆行者賓主既行衆賓亦行

主人阼

階上當楣北面再拜賓西階上當楣北面答再拜

主人拜賓

至此堂

右迎賓拜至

主人坐取爵于上篚以降

將厭賓降人也

賓降

從主

主人阼階前

西面坐奠爵興辭降

重以主人事煩也今文無作階

賓對

對答

主人坐

取爵興適洗南面坐奠爵于篚下盥洗

盥手又洗爵飲潔敬也古文盥

皆作

賓進東北面辭洗

必進者方辭洗宜遠位也言東北面則位南於洗矣。鄉飲酒

此處註異彼於東字句此於進字句

主人坐奠爵于篚興對賓反位

反從降之

位也鄉飲酒曰當西序東面

主人卒洗壹揖壹讓以賓升賓西階上

北面拜洗主人阼階上北面奠爵遂答拜乃降

乃降將更盥也

古文壹皆作一

賓降主人辭降賓對主人卒盥壹揖壹讓升賓

升西階上疑立

疑止也有矜莊之色。疑魚乙反

主人坐取爵實之賓

席之前西北面獻賓

進於賓也凡進物曰獻

賓西階上北面拜主

人少退

少退猶少辟也

賓進受爵于席前復位

復位西階上位

主人阼

階上拜送爵賓少退薦脯醢

薦進

賓升席自西方

賓升階由下也

○疏云以主人在東又於席西拜便故升降由下

乃設折俎

牲體枝解節折以實俎也

主人

阼階東疑立賓坐左執爵右祭脯醢奠爵于薦西興取

肺坐絕祭

卻左手執本右手絕末以祭也肺離上為尚本下為末○註卻左手執本用鄉飲酒文尚

左手齊之

齊嘗也右手在下絕以授口嘗之

興加于俎坐洗手執爵遂

祭酒興席末坐啐酒

祝拭也啐嘗也古文祝作說

降席坐奠爵拜告

旨

降席席西也旨美也
告主人曰旨酒

執爵興主人阼階上答拜賓西

階上北面坐卒爵興坐奠爵遂拜執爵興

卒

主人阼階

上答拜

右主人獻賓

賓以虛爵降

將洗以酢主人

主人降

從賓也降立阼階
東西面當東序

賓西階前

東面坐奠爵興辭降主人對賓坐取爵適洗北面坐奠

爵于篚下興盥洗

賓北面盥洗自外來

主人阼階之東南面辭洗

賓坐奠爵于篚興對主人反位

反位從降之位也
主人辭洗進也

賓卒

洗揖讓如初升。

如初者一揖一讓如獻賓時

主人拜洗賓答拜興降

盥如主人之禮賓升實爵主人之席前東南面酢主人

酢主人酢階上拜賓少退主人進受爵復位賓西階上

拜送爵薦脯醢主人升席自北方乃設折俎祭如賓禮

祭薦俎及酒亦齊

不告旨

酒己物

自席前適酢階上北面坐卒爵

興坐奠爵遂拜執爵興賓西階上北面答拜

自由也啐酒於席末

由前降便也

主人坐奠爵于序端酢階上再拜崇酒賓西階

上答再拜

序端東序頭也崇充也謝酒惡相充滿也。奠爵序端擬獻衆賓用之

右賓酢主人

主人坐取觶于篚以降

將酬賓

賓降主人奠觶辭降賓對

東面立主人坐取觶洗賓不辭洗

不辭洗以其將自飲

卒洗揖讓

升賓西階上疑立主人實觶酬之阼階上北面坐奠觶

遂拜執觶興

酬勸酒

賓西階上北面答拜主人坐祭遂飲

卒觶興坐奠觶遂拜執觶興賓西階上北面答拜

主人先

自飲所以為勸也

主人降洗賓降辭如獻禮

以將酌己

升不拜洗

禮酬

殺也賓西階上立主人實觶賓之席前北面

賓酬

賓西階上

拜主人坐奠觶于薦西賓辭坐取觶以興反位

賓辭辭主人復

親酌主人阼階上拜送賓北面坐奠觶于薦東反位

酬酒

不舉

右主人酬賓

主人揖降賓降東面立于西階西當西序

主人將與衆賓為禮賓謙

不敢獨居堂

主人西南面三拜衆賓衆賓皆答壹拜

三拜示偏也壹

拜不備禮也獻賓畢乃與衆賓拜敬不能並

主人揖升坐取爵于序端降洗

升實爵西階上獻衆賓衆賓之長升拜受者三人

長其老者

言三人則衆賓多矣國以多德主人拜送拜送爵於衆賓右坐

祭立飲不拜既爵授主人爵降復位既盡。降復位衆賓

皆不拜受爵坐祭立飲自第四以下又不拜受爵每一

人獻則薦諸其席諸於。此堂上衆賓辯有脯醢薦於其位

。堂下主人以虛爵降奠于篚不復用

右主人獻衆賓

揖讓升賓厭衆賓升衆賓皆升就席一人洗舉觶于賓

一人主升實觶西階上坐奠觶拜執觶興賓席末答拜

舉觶者坐祭遂飲卒觶興坐奠觶拜執觶興賓答拜降

洗升實之西階上北面

將進奠觶

賓拜

拜受

舉觶者進坐奠

觶于薦西

不授賤不敢也

賓辭坐取以興

若親受然

舉觶者西階上

拜送賓反奠于其所舉觶者降

射後賓將舉之為旅酬故奠于薦西

右一人舉觶

大夫若有尊者則入門左

謂此鄉之人為大夫者也謂之尊者方以禮樂化民欲其

遵法之也其士也於旅乃入鄉大夫士非鄉人禮亦然主於鄉人耳今文遵為俱。言若有者或有或無不定也按鄉飲酒於篇末略言尊者之禮主人降

迎大夫於門內也不

出門別賓及衆賓皆降復初位不敢居堂俟大夫入主也初位門內東面

人揖讓以大夫升拜至大夫答拜主人以爵降大夫降

主人辭降大夫辭洗如賓禮席於尊東尊東明與賓夾尊也不言東上

統於尊也升不拜洗主人實爵席前獻于大夫大夫

西階上拜進受爵反位主人大夫之右拜送大夫辭加

席主人對不去加席辭之者謙不以己尊如賢者也不去者大夫再重席正也賓一重席

疏云公士乃薦脯醢大夫升席設折俎祭如賓禮不

齊肺不啐酒不告旨西階上卒爵拜主人答拜凡所不者殺於

賓也大夫升席由東方

大夫降洗

將酢主人也大夫若衆則辨獻長乃酢

主人復酢

階降辭如初卒洗主人盥

盥者雖將酌自飲尊大夫不敢褻

揖讓升大

夫授主人爵于兩楹間復位主人實爵以酢于西階上

坐奠爵拜大夫答拜坐祭卒爵拜大夫答拜主人坐奠

爵于西楹南再拜崇酒大夫答拜主人復酢階揖降

將升

賓。奠爵楹南擬旅時獻士用之

大夫降立于賓南

雖尊不奪人之正禮。賓及衆賓自

大夫升堂時已立西階下

主人揖讓以賓升大夫及衆賓皆升就席

右遵入獻酢之禮

席工于西階上少東樂正先升北面立于其西

言少東者明樂

正西側階不欲大東辟射位。按鄉飲酒不射席工亦與此同此註云辟射位恐非經意或是欲其當賓席耳

工四人二瑟瑟先相者皆左何瑟面鼓執越內弦右手

相入升自西階北面東上工坐相者坐授瑟乃降

瑟先賤者

先就事也相扶工也面前也鼓在前變於君也執越內弦右手相由便也越瑟下孔所以發越其聲也前越言

執者內有弦結手入之淺也相者降立西方。面鼓者瑟首在前也鼓謂可鼓處與鄉飲酒不同者在鄉飲酒

欲其異於燕在鄉射欲其異於大射皆為變於君也笙入立于縣中西面

堂下樂相從也

縣中磬東立西面。縣音玄

乃合樂周南關雎葛覃卷耳召南鵲巢

采繁采蘋

不歌不笙不間志在射略於樂也不略其正也昔者周南召南之風鄉樂也

大王王季文王始居岐山之陽躬行以成王業至三分天下乃宣周南召南之化本其德之初刑于寡妻至于兄弟以御于家邦故謂之鄉樂用之房中以及朝廷饗燕鄉射飲酒此六篇其風化之原也是以合金石絲竹而歌工不興告于樂正曰正歌備不興者瞽樂正告于

賓乃降

樂正降者堂上正樂畢也降立西階東北面。疏云云正樂者對後無算樂非正樂也下射雖

歌騶虞亦是堂下非堂上故以堂上決之也

右合樂樂賓

主人取爵于上篚獻工大師則為之洗

尊之也君賜大夫樂又從之以

其人謂之大師也

賓降主人辭降

大夫不降尊也

工不辭洗卒洗升賓

爵工不興左瑟一人拜受爵

左瑟辭主人授爵也一人無大師則工之長者。左

瑟者身在瑟右向主人也

主人阼階上拜送爵薦脯醢使人相祭人

相

者工飲不拜既爵授主人爵衆工不拜受爵祭飲辯有

脯醢不祭

祭飲不興受爵坐祭坐飲

不洗遂獻筮于西階上

不洗者賤也衆

工而不洗矣而衆筮不洗者筮賤於衆工正君賜之猶不洗也

筮一人拜于下盡階不

升堂受爵主人拜送爵階前坐祭立飲不拜既爵升授

主人爵衆筮不拜受爵坐祭立飲辯有脯醢不祭主人

以爵降奠于籩反升就席

亦揖讓以賓升衆賓皆升

右獻工與笙

主人降席自南方

禮殺由便

側降

賓不作相為司正司正禮

作相為司正司正禮

辭許諾主人再拜司正答拜

爵備樂畢將留賓以事為有懈倦失禮立司正以監

之察儀法也詩云既立之監或佐之史

主人升就席司正洗解升自西階

由楹內適阼階上北面受命于主人

洗解者當酌以表其位顯其事也楹

內楹北。受命受請安于賓之命

西階上北面請安于賓

傳主人之命

賓禮

辭許司正告于主人遂立于楹間以相拜

相謂贊主人及賓相拜之

辭主人阼階上再拜賓西階上答再拜皆揖就席為已安也

今文揖為升司正實觶降自西階中庭北面坐奠觶興退少

立奠觶表其位也少立自修正慎其位也古文曰少退立進坐取觶興反坐不祭

遂卒觶興坐奠觶拜執觶興洗北面坐奠于其所今文坐取

觶無進又曰興少退北面立于觶南立觶南亦其故擯位未旅旅序

也未以次序相酬以將射也旅則禮終也。鄉飲酒立司正即行旅酬今此禮主於射故且未旅急在射也

右立司正

三耦俟于堂西南面東上司正既立司射選弟子之中德行道藝之高者以為三耦

使俟事於此。自此以下始言射事。射凡三番。第一番三耦之射。獲而不釋。獲第二番。賓主大夫衆賓耦射。釋獲升飲。第三番以樂節射。此下至乃復求矢加于楅。言三耦之射。司射請射于賓。命弟子納射器。比三耦司馬命張侯。又命倚旌。樂正遷樂器。三耦取弓矢。司射誘射。乃作三耦射。司馬命設楅。取矢凡九節。射之第一番也。司射適堂西。袒決遂取弓于階西。兼挾乘矢升自西階。

階上北面告于賓曰。弓矢既具有。司請射。

司射主人之吏也。於堂西

袒決遂者。主人無次隱蔽而已。袒左。免衣也。決猶闔也。以象骨為之。著右大擘指。以鈎弦。闔體也。遂射。耦也以韋為之。所以遂弦者也。其非射時則謂之拾。拾斂也。所以蔽膚斂衣也。方持弦矢曰挾。乘矢四矢也。大射曰挾。乘矢於弓外見。鏃於弣。右巨指鈎弦。古文挾皆作接。袒徒旱反。挾音協。乘繩證反。闔音開。擘補革反。耦古侯。

反鏃七木反
附方甫反

賓對曰某不能為二三子許諾

言某不能
諷也二三

子謂衆賓已下
○為于偽反

司射適阼階上東北面告于主人曰請

射于賓賓許

右司射請射

司射降自西階階前西面命弟子納射器

弟子賓黨之
年少者也納

內也射器弓矢決拾旌中籌福豐也
賓黨東面主人之吏西面。福音福

乃納射器皆在堂

西賓與大夫之弓倚于西序矢在弓下北括衆弓倚于

堂西矢在其上

上堂西廉矢亦北括
倚於綺反括古活反

主人之弓矢在

東序東

亦倚于東序也
矢在其下北括

右弟子納射器

司射不釋弓矢遂以比三耦于堂西三耦之南北面命

上射曰某御於子命下射曰子與某子射

比選決其才
相近者也古

文曰某從於子。御進也侍也進
而侍射於子尊辭也。比毗志反

右司射比三耦

司正為司馬

兼官由便也立司正為
蒞酒爾今射司正無事

司馬命張侯弟子

說東遂繫左下綱

事至也今文說皆
作稅。說土活反

司馬又命獲者倚

旌于侯中

為當負侯也獲者亦弟子也謂之獲者以事名之

獲者由西方坐取

旌倚于侯中乃退

右司馬命張侯倚旌

樂正適西方命弟子贊工遷樂于下

當辟射也贊佐也遷徙也

弟子

相工如初入降自西階阼階下之東南堂前三筭西面

北上坐

筭矢幹也今丈無南○相工如初入者亦左何瑟右手相也矢幹長三尺三筭者去堂九尺也

○筭古可反

樂正北面立于其南

北面鄉堂不與工序也

右樂正遷樂

司射猶挾乘矢以命三耦各與其耦讓取弓矢拾猶有故之

辭拾更也。各與其耦讓取弓矢拾即司射之所以命

三耦者拾其劫反更迭也。拾其劫反除決拾之外皆

同三耦皆袒決遂有司左執附右執弦而授弓有司弟

器者也凡納射器者皆執以俟事遂授矢受於納矢三耦皆執弓搯三

而挾一个未達俟處也搯司射先立于所設中之西南

東面中謂鹿中以釋獲者其設之之處南當福西當

設中之西序此時尚未設中云所設中之西南者擬將來三耦皆進由司射之西立于其西南東面北上

而俟

右三耦取弓矢俟射

司射東面立于三耦之北搢三而挾一个

為當誘射也固東面矣復

言之者明卻時還。據註及疏言司射本立于中之西南今命三耦已復還立此經上文先字非先後之先乃

舊先之先愚詳經文似當仍作先後字為妥此復言之者欲言其將誘射故復從立處說起耳揖進當

階北面揖及階揖升堂揖豫則鉤楹內堂則由楹外當

左物北面揖

鉤楹統楹而東也序無室可以深也周立四代之學於國而又以有虞氏之庠為鄉

學鄉飲酒義曰主人迎賓於庠門外是也庠之制有堂有室也今言豫者謂州學也讀如成周宣榭災之榭周

禮作序凡屋無室曰榭宜從榭州立榭者下鄉也左物下物也今文豫為序序乃夏后氏之學亦非也。射者

升堂揖訖東行向物豫無室物近北故鉤楹北而東庠之堂有室物近南故由楹南而東也物者以丹若墨畫地作十字形射者履之以射左物下及物揖左足履物射所履故云下物也。豫音榭出註

不方足還視侯中俯正足

右方猶併也志在於射左足至右足還併足則是立也南面

視侯之中乃俯視併正其足。左足履物不及併足右足初旋已南面視侯乃俯正足而立是其志在於射也

不去旌

以其不獲

誘射

誘猶教也

將乘矢

將行也行四矢象有事於四方

執弓不

挾右執弦

不挾矢盡

南面揖揖如升射降出于其位南適堂

西改取一个挾之

改更也不射而挾之示有事也今文曰適序西。司射位在所設中之西

南東西今乃出其位南北迴適堂西者疏以為教衆耦威儀之法故也衆耦射畢皆當自此適堂西釋弓脫決

拾遂適階西取扑檣之以反位扑所以撻犯教者書云扑作教刑。反位所設

中之西南東面也

右司射誘射

司馬命獲者執旌以負侯

欲令射者見侯與旌深有志於中。上文命張侯倚旌疏

云同是西階前至此未有他事當亦西階前命之也獲者適侯執旌負侯而侯待侯

也今文司射還當上耦西面作上耦射還左還也作使

侯為立司射反位上耦揖進上射在左並射之西南東面今欲西面命射故知左還

行當階北面揖及階揖上射先升三等下射從之中等

中猶也。上射升堂少左下射升上射揖並行。並併也併東行。升堂少

左辟下射升階也。皆當其物北面揖及物揖皆左足履物還視

侯中合足而侯。○當物上射當右物下射當左物。履物還視侯中皆微誘射之儀。司馬

適堂西不決遂袒執弓。不決遂因不射不備。出于司射之南升自

西階鉤楹由上射之後西南面立于物間右執簫南揚

弓命去侯。鉤楹以當由上射者之後也。簫弓未也大射曰左執附揚猶舉也。獲者執旌

許諾聲不絕以至于乏坐東面偃旌興而侯。聲不絕不以宮商不

絕而已。鄉射威儀省。司馬出于下射之南還其後降自

西階反由司射之南適堂西釋弓襲反位立于司射之

南圓下射者明為二人命去侯

司射進與司馬交于階前相左由堂

下西階之東北面視上射命曰無射獲無獵獲上射揖

司射退反位

射獲謂矢中人也獵矢從旁。疏云相左之時在西階之西司馬由北而西行司射

由南而東行各以左相近故云相左也。無射之射食亦反

乃射上射既發挾弓矢

而后下射射拾發以將乘矢

后後也當從后。上射發第一矢復挾二矢下射乃

發矢如是更發以至四矢畢

獲者坐而獲

射者中則大言獲獲得也射講武田之類是以中為

也獲舉旌以宮偃旌以商

宮為君商為臣獲而未釋獲大

言獲未釋其算。○釋算所以識中之多寡。註上下文皆言大言獲疏乃以官為大言獲商為小言獲是一矢而

再言獲恐未是。或一卒射皆執弓不挾南面揖揖如升聲漸殺各有所合歟。

射不挾亦右執上射降三等下射少右從之中等並行

上射於左降下。並行既與升射者相左交于階前相

揖相左者降者由西升者由東也由司馬之南適堂西釋弓說決拾

襲而俟于堂西南面東上三耦卒射亦如之司射去扑

倚于西階之西升堂北面告于賓曰三耦卒射去扑乃升不敢

佩刑器即賓揖以揖尊者之側然之

右三耦射

司射降搢扑反位司馬適堂西袒執弓由其位南進與

司射交于階前相左升自西階鉤楹自右物之後立于

物間西南面揖弓命取矢

揖推之也

獲者執旌許諾聲不絕

以旌負侯而俟

侯弟子取矢以旌指教之

司馬出于左物之南還其

後降自西階遂適堂前北面立于所設楅之南命弟子

設楅

楅猶幅也所以承筈齊矢者所設楅謂所擬以設楅之處

乃設楅于中庭南

當洗東肆

東肆統於尊○疏云弟子設楅司馬教之

司馬由司射之南退釋

弓于堂西襲反位弟子取矢北面坐委于楅北括乃退

司馬襲進當楅南北面坐左右撫矢而乘之

撫拊之也就委矢左

右手撫而四四數分之也上既言襲矣復言之者嫌有事即袒也凡事升堂乃袒○疏云若司射不問堂上堂

下有事即袒○拊者甫反數所主反若矢不備則司馬又袒執弓如初升

命曰取矢不索

索猶盡也

弟子自西方應曰諾乃復求矢加

于楅

增故曰加擯獲者許諾至此弟子曰諾事同互相明

右取矢委楅第一番射事竟

司射倚扑于階西升請射于賓如初賓許諾賓主人大

夫若皆與射則遂告于賓適阼階上告于主人主人與

賓為耦

言若者或射或否在時欲耳射者釋己之志君子務焉大夫遵者也告賓曰主人御于子告主

人曰子與賓射。自此至釋獲者少西辟薦反位言賓主大夫衆賓耦射釋獲升飲之儀射之第二番也司射請射比耦三耦取矢于楅衆耦受弓矢序立乃設中為釋獲之射三耦射賓主人射大夫射衆賓射司馬取矢乘矢司射視釋獲者數獲設豐飲不勝者獻獲者獻釋獲者幾十三節遂告于大夫大夫

雖衆皆與士為耦以耦告于大夫曰某御于子

大夫皆與士為

耦譌也來觀禮同爵自相與耦則嫌自尊別也大夫為下射而云御于子尊大夫也士謂衆賓之在下者及羣士來觀禮者也禮一西階上北面作衆賓射使司射降

命已下齒於鄉里

搯扑由司馬之南適堂西立比衆耦

衆耦大夫耦及衆賓也命大夫之耦

曰子與某子射其命衆耦如三耦

衆賓將與射者皆降由司馬之南適

堂西繼三耦而立東上大夫之耦為上若有東面者則

北上

言若有者大夫士來觀禮及衆賓多無數也。司馬位在司射之南若有東面者或賓多南面列不

也。賓主人與大夫皆未降

言未降者見其志在射。三耦卒射乃降就其耦俱升射

也

司射乃比衆耦辯

衆賓射者降比之耦乃徧

右司射請射比耦

遂命三耦拾取矢司射反位

反位者俟其袒決遂來。遂命者承上比耦畢遂命

之三耦拾取矢皆袒決遂執弓進立于司馬之西南袒必

決遂者明司射作上耦取矢上耦如作射司射反位上

耦揖進當楅北面揖及楅揖當楅楅正南之東西。上耦發位東行時一南一北

並行及至楅南北面向楅亦一東一西相並也上射東面下射西面上射揖進

坐橫弓卻手自弓下取一个簫諸附順羽且興執弦而

左還退反位東面揖橫弓者南踏弓也卻手由弓下取矢者以左手在弓表右手從裏取

之便也簫并矢於附當順羽既又當執弦也順羽者手放而下備不整理也不言毋周在阼非君周可也。疏

曰言順羽且興者謂以右手順羽之時則興故云且興也言左還者以左手向外而西回東面揖者揖下射使

取矢也。註云：不言毋周對大射禮而言，彼有君下射進在阼，周則背君故也。○附芳甫反踣，蒲北反。

坐橫弓覆手自弓上取一个興其他如上射。覆手由弓上取矢者

以左手在弓裏，右手從表取之亦便。○亦南踣。既拾取弓，左手執弓仰而向上，故右手覆搭矢為便也。

乘矢揖皆左還南面揖，皆少進當楅南，皆左還北面揖。

三挾一个。楅南鄉當楅之位。○拾取乘矢更遞而取各得四矢也。楅南前者進時北面揖之位也。今

退至此皆左還北面揖，皆左還上射於右。上射轉居右便其反位也。

下射左還少南行乃西面。○揖挾已而揖皆左還西面並行前者進時上射在北是在左，今仍在北是在於右取其反位北與進者相左相揖退反位。相左皆由進者之上為便也。北與進者相左相揖退反位北。○進者自南東

行反位者自北西行故得相左三耦拾取矢亦如之後者遂取誘射之

矢兼乘天而取之以授有司于西方而后反位取誘射之天挾

五个弟子逆受於東面位之後
○以授者以誘射之矢授也

右三耦拾取矢

衆賓未拾取矢皆袒決遂執弓搯三挾一个由堂西進

繼三耦之南而立東面北上大夫之耦為上未猶不也衆賓不拾

者未射無福上矢也言此者嫌衆賓三耦同倫初時有射者後乃射有拾取矢禮也○衆賓初射當於堂西受弓矢於有司故不拾取矢案三耦初射時亦云各與其耦讓取弓矢拾則衆賓不拾取矢又不僅以未射也

右衆賓受弓矢序立

司射作射如初一耦揖升如初司馬命去侯獲者許諾

司馬降釋弓反位司射猶挾一个去扑與司馬交于階

前升請釋獲于賓

猶有故之辭司射既誘射恒執弓挾矢以掌射事備尚未知當教之也今

三耦卒射衆足以知之矣猶挾之者君子不必也

賓許降楷扑西面立于所設

中之東北面命釋獲者設中遂視之

視之當教之。疏云教之謂教其釋

算安置左右及數算告勝負之事

釋獲者執鹿中一人執算以從之中

謂射於樹也於庠當兕中。中形如伏獸鑿其背以受八算算射籌也

釋獲者坐設中南

當福西當西序東面與受算坐實八算于中橫委其餘

于中西南末興共而俟

興還北面受算反東面實之。共九勇反

司射遂進

由堂下北面命曰不貫不釋

貫猶中也。不中正不釋。笑也。古文貫作關。貫古亂

反上射揖司射退反位釋獲者坐取中之八算改實八

算于中興執而俟

執所取算。八算者人四矢一耦八矢一矢則一算實八算擬後來者用

之

右司射作射請釋獲

乃射若中則釋獲者坐而釋獲每一个釋一算上射於

右下射於左若有餘算則反委之

委餘算禮尚異也委之合於中西○釋猶

舍也以所執之算坐而舍于地中首東鄉其南為右其北為左中西則其後也○中丁仲反

又取中

之八算改實八算于中興執而俟三耦卒射

右三耦釋獲而射

賓主人大夫揖皆由其階降揖主人堂東袒決遂執弓
楮三挾一个賓於堂西亦如之皆由其階階下揖升堂
揖主人為下射皆當其物北面揖及物揖乃射卒南面
揖皆由其階階上揖降階揖賓序西主人序東皆釋弓

說決拾襲反位升及階揖升堂揖皆就席

或言堂或言序亦為庠榭

五言也賓主人射大夫止於堂西

右賓主人射

大夫袒決遂執弓搯三挾一个由堂西出于司射之西

就其耦大夫為下射揖進耦少退揖如三耦及階耦先

升卒射揖如升射耦先降降階耦少退皆釋弓于堂西

襲耦遂止于堂西大夫升就席

耦於庭下不並行尊大夫也在堂如上射之儀

近其事得申

右大夫與耦射

衆賓繼射釋獲皆如初司射所作唯上耦

於是言唯上耦者媿賓主

人射亦作之大射三耦卒射司射請于公與賓○疏云記云賓主人射則司射擯升降是雖不作猶為擯相之

但不請也卒射釋獲者遂以所執餘獲升自西階盡階不升

堂告于賓曰左右卒射降反位坐委餘獲于中西興共

而俟

司射不告卒射者釋獲者於是有事宜終之也餘獲餘算也無餘算則空手耳俟俟數也

右衆賓繼射釋獲告卒射

司馬袒決執弓升命取矢如初獲者許諾以旌負侯如

初司馬降釋弓反位弟子委矢如初大夫之矢則兼束

之以茅上握馬

上則兼束大夫矢優之是以不捨也束於握

束主人矢不可以殊於賓也言大夫之矢則矢有題識也肅慎氏貢楷矢銘其括今丈上作尚。楷音戶

馬乘矢如初

右司馬命取矢乘矢

司射遂適西階西釋弓去扑襲進由中東立于中南北

面視算

釋弓去扑射事已

釋獲者東面于中西坐先數右獲東固

面矣復言之者為其少南就右獲。右獲上射之獲

二算為純

純猶全也耦陰陽

一純以

取實于左手十純則縮而委之

縮從也於數者東西每為從古文縮皆為感

委異之

易校數

有餘純則橫於下

又異之也自近而下

一算為奇奇

則又縮諸純下

奇猶虧也又從之

興自前適左東面

起由中東就左獲少

北於故東而鄉之

坐魚斂算實于左手一純以委十則異之

變於

右。於右獲則自地而實於左手數至十純則委之於左獲則自左手而委於地數至十純則異之是其變也

其從橫之法則同

其餘如右獲

謂所縮所橫

司射復位釋獲者遂進

取賢獲執以升自西階盡階不升堂告于賓

賢獲勝黨之賓也齊

之而取其餘。賢猶多也賢獲所多之算

若右勝則曰右賢於左若左勝則

曰左賢於右以純數告若有奇者亦曰奇

賢猶勝也言賢者射之以

中為雋也假如右勝告曰右賢於左若干純若干奇

若左右鈞則左右皆執一算

以告曰左右鈞降復位坐兼敘算實八算于中委其餘

于中西興共而俟

敘算或實或委為後射豫設也

右數獲

司射適堂西命弟子設豐

將飲不勝者設豐所以承弟其爵也豐形蓋似豆而畧

子奉豐升設于西楹之西乃降勝者之弟子洗觶升酌

南面坐奠于豐上降袒執弓反位

勝者之弟子其少者也耦不酌下無能也

酌者不授爵略之也執弓反射位不俟其黨已酌有事

司射遂袒執弓挾一个楮

扑北面于三耦之南命三耦及衆賓勝者皆袒決遂執

張弓

執張弓言能用之也右手執弦如卒射

不勝者皆襲說決拾卻左手

右加弛弓于其上遂以執弣

固襲說決拾矣復言之者起勝者也執弛弓言不能

用之也兩手執弣又不得執弦○弛尸紙反

司射先反位

居前俟所命來○所命謂三耦衆賓

三耦及衆射者皆與其耦進立于射位北上司射作升

飲者如作射一耦進揖如升射及階勝者先升堂少右

先升尊賢也少右辟飲者也亦相飲之位○疏云相飲者皆北面於西階授者在東飲者在西不勝者

進北面坐取豐上之觶興少退立卒觶進坐奠于豐下

興揖

立卒觶不祭不拜受罰爵不備禮也右手執觶左手執弓

不勝者先降

後升先降略之

不由

與升飲者相左交于階前相揖出于司馬之南遂

適堂西釋弓襲而俟

俟復射

有執爵者

主人使贊者代弟子酌也於既升飲

而升自西階立于序端

執爵者坐取觶實之反奠于豐上升飲者

如初

每者輒酌以至於徧

三耦卒飲賓主人大夫不勝則不執弓

執爵者取觶降洗升實之以授于席前

優尊也

受觶以適

西階上北面立飲

受罰爵者不宜自尊別

卒觶授執爵者反就席

大夫飲則耦不升

以賓主人飲耦在上嫌其升

若大夫之耦不勝則

亦執弛弓特升飲

尊者可以孤無能對

衆賓繼飲射爵者辯乃徹

豐與觶

徹猶除也設豐者反豐於堂西執爵者反觶於篚

右飲不勝者

司馬洗爵升實之以降獻獲者于侯

鄉人獲者賤明其主以侯為功得獻

也薦脯醢設折俎俎與薦皆三祭

皆三祭為其將祭侯也祭侯三處也○皆

三祭脯之半胾俎之離肺皆三也

獲者負侯北面拜受爵司馬西面拜

送爵

負侯負侯中也拜送爵不同面者辟正主也其設薦俎西面錯以南為上為受爵于侯薦之於位古

大曰再拜受爵。負侯北面拜受爵是受爵於侯下云
左个之西北三步東面設薦是薦之於位經言東面註

云西面錯者獲者執爵使人執其薦與俎從之適右个
據設人而言

設薦俎獲者以侯為功是以獻焉人謂主人贊者上設
薦俎者也為設籩在東豆在西俎當其北也言

使設新之。侯東方幹為右个以北面為正也。个音幹獲者南面坐左執爵祭脯

醢執爵興取肺坐祭遂祭酒為侯祭也亦二手
祭酒反注如大射興適左

个中亦如之先祭左个後中者以外
即之至中若神在中也左个之西北三步

東面設薦俎獲者薦右東面立飲不拜既爵不就乏者
明其享侯

之餘也立飲薦右近司馬受爵奠于篚復位獲者執其
司馬於是司馬北面

薦使人執俎從之辟設于乏南

遷設薦俎就乏明己所得禮也言辟之者不使

當位辟舉旌偃旌也設于南右之也凡他薦俎皆當其位之前。辟扶筵反

獲者負俟而俟

。俟後復射也

右司馬獻獲者

司射適階西釋弓矢去扑說決拾襲適洗洗爵升實之

以降獻釋獲者于其位少南薦脯醢折俎有祭

不當其位辟中

釋獲者薦右東面拜受爵司射北面拜送爵釋獲者就

其薦坐左執爵祭脯醢興取肺坐祭遂祭酒興司射之

西北面立飲不拜既爵司射受爵奠于篚釋獲者少西

辟薦反位

辟薦少西之者為復射妨司射視算也亦辟俎

右司射獻釋獲者第二番射事竟

司射適堂西袒決遂取弓于階西挾一个搯扑以反位

為將復射。司射獻釋獲者事畢反位自此下至退中與算而俟言以樂節射之儀司射又請射命耦三耦賓主人大夫衆賓皆拾取矢司射作上射升射請以樂為節三耦賓主人大夫衆賓卒射又命取矢乘矢又視算數獲又設豐飲不勝者又拾取矢投有司乃訖俟司射網退旌退福退中與算共九節射之第三番也

去扑倚于階西升請射于賓如初賓許司射降搯扑由

司馬之南適堂西命三耦及衆賓皆袒決遂執弓就位

位射位也。不言射者以當序取司射先反位。言先三耦及衆賓也。

既命之即反位不俟之也。鼎不言先三耦未有拾取矢位無所先。初三耦在司射西南及司馬立司射之南

三耦拾取矢移位于司馬之西南是拾取矢時射位始定。故註云未有拾取矢位無所先也。又射者堂下凡三

位堂西南面比耦之位。司射西南東面三耦初射之位。司馬西南東面則拾取矢以後至終射之位也。先悉

薦反。下同。三耦及衆賓皆袒決遂執弓各以其耦進反于射

位。以猶與也。今丈以為與。

右司射又請射命耦反射位

司射作拾取矢三耦拾取矢如初反位賓主人大夫降

揖如初主人堂東賓堂西皆袒決遂執弓皆進階前揖

南面相俟而揖行也及楅揖拾取矢如三耦及楅當楅東西也主

拾取由便也卒北面楮三挾一个亦於三耦為之位。與三耦楮三挾一之

處同揖退皆已揖左還各賓堂西主人堂東皆釋弓矢

襲及階揖升堂揖就席將袒先言主人將襲先言賓尊賓也大夫袒決遂

執弓就其耦降袒決遂於堂西就其耦於射位與之拾取矢揖皆進如三耦耦

東面大夫西面大夫進坐說矢束說矢束者下耦以將拾取興反位

而后耦揖進坐兼取乘矢順羽而興反位揖

兼取乘矢者尊大夫

不敢與之拾也相下相尊君子之所以相接也大夫進坐亦兼取乘矢如其耦

北面摺三挾一个

亦於三耦為之位

揖退耦反位大夫遂適序

西釋弓矢襲升即席

大夫不序於下尊也

衆賓繼拾取矢皆如三

耦以反位

右三耦賓主人大夫衆賓皆拾取矢

司射猶挾一个以進作上射如初一耦揖升如初

進前也

言還當上耦西面是言進終始互相明也今文或言作升射

司馬升命去侯獲者許

諾司馬降釋弓反位司射與司馬交于階前去扑襲升

請以樂樂于賓賓許諾司射降搯扑東面命樂正曰請

以樂樂于賓賓許

東面於西階之前也不就樂正命之者傳尊者之命於賤者違號命之可

也樂正亦許諾猶北面不還以賓在堂○樂樂下字音洛

司射遂適階間堂下北面

命曰不鼓不釋

不與鼓節相應不釋算也鄉射之鼓五節歌五終所以將八矢一節之間當拾

發四節四拾其一節先以聽也

上射揖司射退反位樂正東面命大師

曰奏騶虞間若一

東面者進還鄉大師也騶虞國風召南之詩篇也射義曰騶虞者樂官備

也其詩有一發五豝五縱于嗟騶虞之言樂得賢者衆多歎思至仁之人以充其官此天子之射節也而用之

者方有樂賢之志取其宜也其他賓客鄉大夫則歌采
蘋間若一者重節○疏云云間若一者重節者謂五節
之間長短希數皆如大師不興許諾樂正退反位
一則是重樂節也

右司射請以樂節射

乃奏騶虞以射三耦卒射賓主人大夫衆賓繼射釋獲

如初卒射降

皆應鼓與歌之節乃釋算降者衆

釋獲者

執餘獲升告左右卒射如初

卒已也今文曰告于賓

右三耦賓主人大夫衆賓以樂射

司馬升命取矢獲者許諾司馬降釋弓反位弟子委矢

司馬乘之皆如初

右樂射取矢數矢

司射釋弓視算如初

算獲算也今文曰視數也

釋獲者以賢獲與鈞

告如初降復位

右樂射視算告獲

司射命設豐設豐實解如初遂命勝者執張弓不勝者執弛弓升飲如初

右樂射飲不勝者

司射猶袒決遂左執弓右執一个兼諸弦面鏃適堂西

以命拾取矢如初

側持弦矢曰執面猶尚也并矢於弦尚其鏃將止變於射也○方持弦矢

曰挾者矢橫弦上而持之側持弦矢曰執者矢順并於弦而持之尚其鏃者鏃向上也

司射反位

三耦及賓主人大夫衆賓皆袒決遂拾取矢如初矢不

挾兼諸弦附以退不反位遂授有司于堂西

不挾亦皆執之如司

射也不以反射位授有司者射禮畢○兼諸弦附疏以為一矢并於弦三矢并於附

韡拾取矢揖

皆升就席

謂賓大夫及衆賓也相俟堂西進立于西階之前主人以賓揖升大夫及衆賓從升立時

少退于大夫三耦及弟子自若留下○衆賓謂堂上三賓

右拾取矢授有司

司射乃適堂西釋弓去扑說決拾襲反位

○司射扑在階西今於堂

西釋弓亦去扑以不復射也

司馬命弟子說侯之左下綱而釋之

說解

也釋之不復射奄束之

命獲者以旌退命弟子退福司射命釋獲

者退中與算而俟

諸所退皆侯堂西備復射也旌言以者旌恒執也獲者釋獲者亦退其薦

俎○註云備復射者旅酬後容欲燕射也

右退諸射器射事竟

司馬反為司正退復解南而立

當監旅酬○此下言射訖飲酒之事旅酬二人

舉解徹俎坐燕送賓以至明日拜賜息司正諸儀並同鄉飲酒禮解南者司正北面監衆之位樂正命

弟子贊工即位弟子相工如其降也升自西階反坐贊工

遷樂也降時如初入樂正反自西階東北面樂正告樂備後降立之位遷樂于下則立阼階東南北面今當命弟子又復來此也遷工反位為旅酬後將有無算樂也賓北面坐取俎西

之觶興阼階上北面酬主人主人降席立于賓東賓坐

奠觶拜執觶興主人答拜賓不祭卒觶不拜不洗實之

進東南面

所不者酬而禮殺也賓立飲。迺西之觶主將射前一人舉觶于賓賓奠于薦西者也

人阼階上北面拜賓少退

少退少遠迺也

主人進受觶賓主人

之西北面拜送

旅酬而同階禮殺也

賓揖就席主人以解適西階

上酬大夫大夫降席立于主人之西如賓酬主人之禮

其既實解進西面立

所酬主人揖就席若無大夫則長受酬亦如

之

長謂以長幼之次酬衆賓註衆賓謂堂上三賓

司正升自西階相旅作受

酬者曰某酬某子

某者字也某子者氏也稱酬者之字受酬者曰某子旅酬下為上尊之也

春秋傳曰字不若子此言某酬某子者射禮略於飲酒飲酒言某子受酬以飲酒為主

受酬者降

席司正退立于西序端東面

退立俟後酬者也始升相立階西北面

衆受

酬者拜興飲皆如賓酬主人之禮辯遂酬在下者皆升

受酬于西階上

在下謂賓黨也鄉飲酒記曰主人之贊者西面北上不與無算爵然後與此異

於賓○疏云引鄉飲酒記者欲見主黨不與酬之義

卒受者以觶降奠于篚

右旅酬

司正降復位使二人舉觶于賓與大夫

二人主人之贊者○以起無算

爵舉觶者皆洗觶升實之西階上北面皆坐奠觶拜執

觶興賓與大夫皆席末答拜舉觶者皆坐祭遂飲卒觶

興坐奠觶拜執觶興賓與大夫皆答拜舉觶者逆降洗

升實觶皆立于西階上北面東上賓與大夫拜舉觶者

皆進坐奠于薦右

坐奠之不敢授

賓與大夫辭坐受觶以興

辭

其坐奠解

舉觶者退反位皆拜送乃降賓與大夫坐反奠于

其所興

不舉者盛禮已崇古文曰反坐。退反位反西階上北面缺酬之位。

若無大夫則

唯賓

長一人舉觶如燕禮滕爵之為

右司正使二人舉觶

司正升自西階阼階上受命于主人適西階上北面請

坐于賓

請坐欲與賓燕盡殷勤也至此盛禮已成酒清肴乾強有力者猶倦焉

賓辭以俎

且者肴之貴者也辭之者不敢以燕坐衰貴肴

反命于主人主人曰請徹俎賓

許司正降自西階階前命弟子俟徹俎

弟子賓黨也俎者主人贊者設

之今賓辭之使其黨俟徹順賓意也上言請坐于賓此言主人曰互相備耳

司正升立于序

端賓降席北面主人降席自南方阼階上北面大夫降

席席東南面

俟弟子升受

賓取俎還授司正司正以降自西

階賓從之降遂立于階西東面司正以俎出授從者

賓授

家從來者也古者與人飲食必歸其盛者所以厚禮之

主人取俎還授弟子弟子

受俎降自西階以東主人降自阼階西面立

以東授主人侍者

大夫取俎還授弟子弟子以降自西階遂出授從者大

夫從之降立于賓南

凡言還者明取
俎各自鄉其席

衆賓皆降立于大

夫之南少退北上

從降亦
為將燕

右請坐燕因徹俎

主人以賓揖讓說屨乃升大夫及衆賓皆說屨升坐

說

者將坐空屨褻賤不宜在堂也說屨則樞衣為其被地
○疏云尊卑在室則尊者說屨在戶內其餘說屨於戶

外尊卑在堂則亦尊者一人說屨在堂其餘說堂下是
以燕禮大射臣皆說屨階下公不見說屨之文明公為
在堂此鄉飲酒賓主人行
敵禮故皆說屨堂下也乃羞

羞進也所進者狗載醢
也燕設啗具所以案酒

覽○啗徒

無算爵使二人舉觶賓與大夫不興取奠觶飲

卒解不拜

二人謂鼎者二人也使之升立于西階上賓與大夫將旅當執解也卒解者固不拜矣若

之者嫌坐卒爵者拜既爵此坐于席禮既殺不復崇執解者受解遂實之賓解以

之主人大夫之解長受

長衆賓長

而錯皆不拜

錯者實主人之解以之次

賓也實賓長之解以之次大夫其或尊者迭飲於坐而已皆不拜受禮又殺也。大夫與衆賓等則得交相酬

或大夫多於賓或賓多於大夫則多者無所酬自與其黨迭飲也

辯卒受者興以旅在

下者于西階上

衆賓之末飲而酬主人之贊者大夫之末飲而酬賓黨亦錯焉不使執解者酌

以其將旅酬不以己尊於人也其末若皆衆賓則先酬主人之贊者若皆大夫則先酬賓黨而已執解者酌在

上辯降復位

長受酬酬者不拜乃飲卒解以實之

言酬者不拜者嫌酬

堂下異位當拜也古丈曰受酬者不拜

古

受酬者不拜受

禮殺雖受尊者之酬猶不拜

辯

旅皆不拜

此主人之贊者於旅始旅嫌有拜

執觶者皆與旅

嫌已飲不復飲也上使之

勸人耳非逮下之患也亦自以齒與於旅也

卒受者以虛觶降奠于篚執觶

者洗升實觶反奠于賓與大夫

復奠之者燕以飲酒為歡醉乃止主人之意也

今丈無執觶及賓觶大夫之觶皆為爵實觶觶為之○旅於西階上故卒受者降奠觶復奠于賓大夫者當復相酬以偏所

無算樂

合鄉樂無次數

右坐燕無算爵無算樂射後飲酒禮竟

賓興樂正命奏陔

陔陔夏其詩亡周禮賓醉而出奏陔夏陔夏者天子諸侯以鍾鼓大夫士

已而賓降及階咳作賓出衆賓皆出主人送于門外再

拜

拜送賓于門東西面
賓不答拜禮有終

右賓出送賓

明日賓朝服以拜賜于門外

拜賜謝恩惠也

主人不見如賓服

遂從之拜辱于門外乃退

不見不褻禮也拜辱謝其自屈辱

右明日拜賜

主人釋服乃息司正

釋服說朝服服玄端也息猶勞也勞司正謂賓之與之飲酒以其昨日尤勞倦

也月令曰勞農以休息之

無介

勞禮略貶於飲酒也此已下皆記禮之異者

不殺

無俎故也

使人速

賓速名迎于門外不拜入升不拜至不拜洗薦脯醢無俎賓

酢主人主人不崇酒不拜衆賓既獻衆賓一人舉觶遂無

算爵言遂者明其間闕也賓坐奠解于其所擯者遂受命于主人請坐于賓賓降說屢升坐矣不言遂請坐者

請坐主于無算爵無司正使擯者而已不立之賓不與昨日至尊不可衰也古文與作豫徵

唯所欲徵名也謂所欲請呼以告于鄉先生君子可也告請也鄉先生鄉大夫致

仕者也君子有大德行不仕者羞唯所有用時見物鄉樂唯欲不取雅頌取周召之詩在所好

右息司正

記

大夫與則公士為賓

不敢使鄉人加尊於大夫也公使士在官之士鄉賓主用處士

能不宿戒

能者敏於事不待宿戒而習之

其牲狗也

狗取人享于堂東北

鄉飲酒義曰祖陽氣之所發也

尊綌冢賓至徹之

以綌為冢取其堅潔

蒲筵緇布純

筵席也純緣

西序之席北上

衆賓統於賓。堂上自正賓外衆賓

三人而已今乃有西序東面之席豈三人非定法歟疏以為大夫多尊東不受則於尊西賓近於西則三賓東

面未知然否要之為地狹不容者擬設耳

獻用爵其他用觶

爵尊不爵可衰也

以爵拜者不徒作

以爵拜謂拜既爵徒

猶空也作起也不空
起言起必酢主人

薦脯用蓮五臟祭半臟橫于上醢以豆出自東房臟長尺二

寸脯用蓮蓮宜乾物也醢以豆豆宜濡物也臟猶脰也為記者異耳祭橫于上殊之也於人為縮臟廣狹未聞也古文

臟為截今文或作植。曲禮云以脯修置者左胸右末是橫設人前祭半脰橫其上於脯為橫於人則為縮也。臟音職

俎由東壁自西階升

狗既亨載于東方

賓俎脊脅肩肺主人俎

脊脅臂肺肺皆離皆右體也進腍

以骨名肉貴骨也賓俎用肩主人用臂尊

賓也離猶脰也腍膚理也進理謂前其本右體周所貴也若有尊者則俎其餘體也。註尊者當作尊者經云

大夫若有尊者此所指正大夫也餘體謂臠若膊若脰也

凡舉爵三作而不徒爵

謂獻賓獻大夫
獻工皆有薦

凡奠者於左

不飲不
欲其妨

將舉者於右

便其
舉也

衆賓之長一人辭洗如賓禮

尊之於其黨○疏云獻三
賓之時主人唯為長者一

人洗爵愚謂此為衆賓統
一洗但辭之者一人耳

若有諸公則如賓禮大夫如介禮無諸公則大夫如賓

禮尊卑之差諸公大國之孤也○鄉射無
介此以飲酒禮中之賓介明其差等也樂作大夫不入

後樂
賢也

樂正與立者齒

謂其飲之次也尊樂正同於賓黨
鄉飲酒記曰與立者皆薦以齒

三笙一和而成聲

三人吹笙一人吹和凡四人也爾
雅曰笙小者謂之和○和戶卧反

獻工與室取爵于上篚既獻奠于下篚其室則獻諸西

階上奠爵于下篚不復用也今文無與室

立者東面北上賓黨○疏云此謂來觀禮者與堂下衆賓齒

司正既舉觶而薦諸其位薦於觶南

三耦者使弟子司射前戒之弟子賓黨之少者也前戒謂先射請戒之○請射于

賓之前即戒之也

司射之弓矢與扑倚于西階之西便其事也扑普卜反

司射既袒決遂而升司馬階前命張侯遂命倚旌著並行也

古文曰遂命獲者倚旌。○司射升堂告賓請射之時。司馬即階令倚旌。此皆同時故鄭云著並行事也。

凡侯天子熊侯白質諸侯麋侯赤質大夫布侯畫以虎

豹士布侯畫以鹿豕

此所謂獸侯也。燕射則張之鄉射及賓射當張采侯二正而記此者。

天子諸侯之燕射各以其鄉射之禮而張此侯則經獸侯是也由是云焉。白質赤質皆謂采其地其地不采者白布也。熊麋虎豹鹿豕皆正面畫其頭象於正鵠之處耳。君畫一臣畫二。陽奇陰耦之數也。燕射射熊虎豹不忘上下相犯射麋鹿豕志在君臣相養其畫之皆毛物之。○侯制有三大射。賓射燕射大射之侯用皮。王三等虎熊豹諸侯二等熊豹卿大夫用麋。所謂棲皮之鵠梓人云張皮侯而棲鵠則春以功是也。賓射之侯用布畫以為正。王五正中朱次白次蒼次黃而玄在外。諸侯三正損玄黃大夫士二正去白蒼畫朱綠。所謂畫布曰正。

梓人云張五采之侯則遠國屬是也燕射之侯畫獸以象正鵠此記所言是也梓人亦云張獸侯以息燕也此鄉射當張采侯二正而記燕射之侯者以燕射亦用此鄉射之禮但張侯為異耳疏云據大射之侯若賓射之侯則三分其侯正居一焉若燕射之侯則獸居一焉故云象其正鵠之處凡畫者丹質賓射侯則獸居一焉故云象其正鵠之處

燕射之侯皆畫雲氣於側以為飾必先以丹采其地丹淺於赤

射自楹間物長如筈其間容弓距隨長武

射自楹間者謂射於庠也楹

間中央東西之節也物謂射時所立處也謂之物者物猶事也君子所有事也長如筈者謂從畫之長短也筈矢幹也長三尺與跂相應射者進退之節也間容弓者上下射相去六尺也距隨者物橫畫也始前足至東頭為距後足來合而南面為隨武跡也尺二寸。榘鉤楹內堂由楹外雖不同皆當以楹中央為東西之節註云

謂射於庠
恐未是

序則物當棟堂則物當楹

是制五架之屋也
正中曰棟次曰楹

前曰庑。序無室堂有室故物
深淺異設此物南北之節也

命負侯者由其位

於賤者禮略。司馬
自在己位違命之

凡適堂西皆出入于司馬之南唯賓與大夫降階遂西

取弓矢

尊者宜逸
由便也

旌各以其物

旌總名也雜帛為物大夫士之所建也言
各者鄉射或於庠或於榭。疏云周禮司

常云九旗通帛為旌雜帛為物全羽為旟析羽為旌各
別今名物為旌者散文通故云旌總名也通帛者通體
並是絳帛雜帛者中絳緣邊白也大夫士同建物而云
各者大夫五仞士三仞不同也旌射時獲者所執各用

平時所建故云各以其物也

無物則以白羽與朱羽糅杠長三仞以

鴻脰韜上二尋

無物者謂小國之州長也其鄉大夫一命其州長士不命不命者無物此韜旌

也韜亦所以進退衆者糅者雜也杠槓也七尺曰仞鴻鳥之長脰者也八尺曰尋今文糅為縮韜為韜○不命

之士不得用物則以赤白雜羽為韜旌以射其杠三仞又以鴻脰韜杠之上長二尋鴻脰之制註疏皆不言疑

亦縫帛為之其圓長若鴻項然也○糅女又反杠音江脰音豆韜吐刀反韜徒刀反槓直江反

凡挾矢於二指之間橫之

二指謂左右手之第二指此以食指將指揆之○將子匠

反

司射在司馬之北司馬無事不執弓

以不主射故也

始射獲而未釋獲復釋獲復用樂行之

君子取人以漸

上射於右

於右物射

楅長如筈博三寸厚寸有半龍首其中蛇交韋當

博廣也兩

端為龍首中央為蛇身相交也蛇龍君子之類也交者象君子取矢於楅上也直心背之衣曰當以丹韋為之司馬左右撫矢而乘之分委於當。韋當

楅髮橫而奉

之南面坐而奠之南北當洗

髮赤黑漆也。楅用漆為飾設之者橫而奉之南面

坐奠中庭其南北與洗相直。髮虛求反

射者有過則撻之

過謂失楊中人凡射時矢中人當刑之今鄉會衆賢以禮樂勸民而射者

中人本意在侯去傷害之心遠是以輕之以扑撻於中庭而已書曰扑作教刑

衆賓不與射者不降

不以無事亂有事古文與為豫

取誘射之矢者既拾取矢而后兼誘射之乘矢而取之

謂反位已禮成乃更進取之不相因也。疏曰云不相因者既自拾取己之乘矢反位東西望訖上射乃更向前兼取誘射之矢禮以變為敬故不相因註所謂反位已者非司馬西南東面之位乃福東西取矢之位前經所云上射東面下射西面者也但彼處疏云是下射取之此乃云上射未審何者為是

賓主人射則司射擯升降卒射即席而反位卒事

擯賓主人

升降者皆尊之也不使司馬擯其升降主於射。司馬本是司正不主射事

鹿中鬃前足跪鑿背容八算釋獲者奉之先首

前足跪者象教

擾之獸受負也
先首首向前也

大夫降立于堂西以俟射

尊大夫不使久列於射位
賓主人大夫同時降賓主先

射大夫且立于堂西其耦在射位俟當射大夫乃就其耦升射大夫與士射袒纁襦不

袒殊於耦
襦如朱反耦少退于物

下大夫也
既發則然

司射釋弓矢視算與獻釋獲者釋弓矢

惟此二事休武
主文釋弓矢耳

然則擯升
降不釋

禮射不主皮主皮之射者勝者又射不勝者降

禮射謂以禮樂

射也大射賓射燕射是矣不主皮者貴其容體比於禮其節比於樂不待中為雋也言不勝者降則不復升射也主皮者無侯張獸皮而射之主於獲也尚書傳曰戰鬪不可不習故於蒐狩以閑之也閑之者習之也貫之者習之也凡祭取餘獲陳於澤然後卿大夫相與射也中者雖不中也取不中者雖中也不取何以然所以貴揖讓之取也而賤勇力之取嚮之取也於國中勇力之取今之取也於澤官揖讓之取也澤習禮之處非所於行禮其射又主中此主皮之射與天子大射張皮侯賓射張五采之侯燕射張獸侯。不主皮當依論語作主於中而不主於貫革為確貫革之射習戰之射也其射當亦三番故勝者又射不勝者則不復射也

主人亦飲于西階上

就射爵而飲也己無俊才不可以辭罰。疏云此謂主人在不勝之

黨受罰爵之時也

獲者之俎折脊脅肺

膾體

若膊肱骸之折以大夫之餘

見科取其一定有膾則用膾無膾則三者皆可用之
唯視大夫之有無多寡取其餘體而已○膾奴報反

東方謂之右个

侯以卿堂為面也

釋獲者之俎折脊脅肺皆有祭

以言皆獲者也祭祭肺也

無祭肺○獲者釋獲者之俎切肺之外
皆別祭肺○剗寸本反寸上聲割也

大夫說矢束坐說之

明不自尊別也
○謂拾取矢時

歌騶虞若采蘋皆五終射無算

謂衆賓繼射者衆賓無
數也每一耦射歌五終

也

古者於旅也語

禮成樂備乃可以言語先王禮樂之道也疾今人慢於禮樂之盛言語無節故

追道凡旅不洗

敬殺

不洗者不祭

既旅士不入也既旅

則將燕矣士入齒於鄉人

○從正禮當是後正禮

大夫後出

下鄉人不干其賓主之禮

主人送于門外再拜

拜送大夫尊之也主

人送賓還入門揖大夫乃出拜送之

鄉侯上个五尋

上个為最上幅也八尺曰尋上幅用布四丈○橫長之數

中十尺

方者

也用布五丈今官布幅廣二尺二寸旁削一寸考工記曰梓人為侯廣與崇方謂中也○中即正也廣崇皆十

尺布幅廣二尺故用布五丈

侯道五十弓弓二寸以為侯中

言侯中所取數也量侯道以狸步而云弓者侯

之所取數宜用射器也正二寸者轂中之博也今文改弓為肱也。侯之遠近五十弓每弓取二寸以為侯中

之數故中十尺也轂中之博謂弓附把中側骨之處博二寸。轂苦交反倍中以為躬也謂

中之上下幅也用布各二丈。倍躬以為左右舌也謂上中上中下各橫接一幅長二丈

居兩旁謂之个左右出謂之舌。即最上四下舌半上丈之橫幅隨所目而異名左右出各一丈

舌半者半其出於躬者也用布三丈所以半上舌者侯人之形類也上个象臂下个象足中人張臂八尺張

足六尺五八四十五六三十以此為衰也凡鄉侯用布十六丈數起侯道五十弓以計道七十弓之侯用布二

十五丈二尺道九十弓之侯用布三十六丈。用布三丈橫綴下躬之下左右出於躬各五尺

箭籌八十

箭篠也。籌算也。籌八十者，略以十耦為正，貴全數。其時衆寡從賓。○箭竹也。以竹為籌，釋

獲者所執之算也。人四矢耦八籌也。○篠，息小反。

長尺有握握素

握本所持處也。素謂刊之

也。握本一作膚。○握四指即四寸算長尺四寸，其四寸則刊之使白也。

楚扑長如筭刊本尺

刊其可持處。○刊削之也。○刊，苦干反。

君射則為下射上射退于物一筭既發則答君而俟

對答

也。此以下雜記也。今文君射則為下。君樂作而后就物君袒朱襦以射

尊

小臣以巾執矢以授

君尊不措矢不換矢授之稍屬

若飲君如燕則夾

爵

謂君在不勝之黨也。賓飲君如燕，賓媵觚于公之禮則夾爵。夾爵者，君既卒爵復自酌。

君國中

射則皮樹中以翽旌獲白羽與朱羽糅

國中城中也謂燕射也皮樹獸

名以翽旌獲尚文德也今文皮樹為繁豎糅為緇古文無以○知城中是燕射者燕在寢故也賓射大射則不

在國中以其燕主歡心故旌從不命之士於郊則閭中以旌獲

於郊謂大射也大射於大

學王制曰小學在公宮之左大學在郊閭獸名如驢一角或曰如驢岐蹄周書曰北唐以閭析羽為旌○疏云

云大射於大學者據諸侯而言也天子大射於竟則虎則虞庠小學以天子大學在國中小學在郊

中龍旌

於竟謂與鄰國君射也畫龍於旌尚文章也通帛為旌○與鄰國君射則賓射也

大夫


兕中各以其物獲

兕獸名似牛一角○大夫命數不同故云各以其物士鹿

中翽旌以獲唯君有射于國中其餘否

臣不習武事於君側也古文有

作又今丈君在大夫射則肉袒不袒纁襦厭於君也今丈無射



儀禮鄭註句讀卷五